



水經注卷二十四

漢 桑 欽 撰

後魏 酈 道 元 注

睢水

瓠子水

汶水

睢水出梁郡鄆縣

睢水出陳留縣西浪蕩渠東北流地理志曰睢水首受陳留浚儀浪蕩水也經言出鄆非矣又東逕高陽故亭北俗謂之陳留北城非也蘇林曰高陽者陳留北縣也按在留使鄉聚名也有漢廣野君

譚云宇既易
傾石亦終制
碑略賴書載
以傳水經數
行更堅永於
峴山一片矣
譚云獨詳鄴
事有本源之
思

廟碑、延熹六年十二月、雍丘令董生、仰餘徽於千載、遵茂美於絕代、命縣人萇照爲文、用章不朽之德、其畧云、輟洗分餐、諮謀帝猷、陳鄭有涿鹿之功、海岱無牧野之戰、大康華夏、綏靜黎物、生民以來、功盛莫崇、今故宇無聞、而單碑介立矣、陳留風俗、傳曰、酈氏居於高陽、沛公攻陳留縣、酈食其有功、封高陽侯、有酈峻、字文山、官至公府掾、大將軍商有功、食邑于涿、故自陳留縣有餅亭、餅鄉、建武二年、世祖封王常爲侯國也、睢水又東、逕雍丘縣故

城北縣舊杞國也、殷湯周武以封夏后、繼禹之嗣、楚滅杞、秦以爲縣、圜稱曰縣、有五陵之名、故以氏縣矣、城內有夏后祠、昔在二代、享祀不輟、秦始皇圍築其表爲大城、而以縣焉、睢水又東、水積成湖、俗謂之白羊陂、陂方四十里、右則姦梁陂、水注之、其水上承陂水、東北逕雍丘城北、又東分爲兩瀆、謂之雙溝、俱入白羊陂、陂之東合洛架水、口水上承、汲水謂之洛架水、東南流入于睢水、睢水又東、逕襄邑縣故城北、又東逕雍丘城北、睢水又東、逕

水經注 卷二十四
寧陵縣故城南故葛伯國也王莽改曰康善矣歷
鄆縣北二城南北相去五十里故經有出鄆之文
城東七里水次有單父令楊彥尚書郎楊禪字文
節兄弟二碑漢光和中立也
又東過睢陽縣南
睢水又東逕橫城北春秋左傳昭公二十一年樂
大心豐愆華輓禦華向於橫杜預曰梁國睢陽縣
南有橫亭今在睢陽縣西南世謂之光城蓋光橫
聲相近習傳之非也睢水又逕新城北卽宋之新

城亭也春秋左傳文公十四年公會宋公陳侯衛
侯鄭伯許男曹伯晉趙盾盟于新城者也睢水又
東逕高鄉亭北又東逕亳城北南亳也卽湯所都
矣睢水又東逕睢陽縣故城南周武王封微子啓
于宋以嗣殷後爲宋都也昔宋元君夢江使乘輜
車被繡衣而謁於元君元君感衛平之言而求之
于泉陽男子余且獻神龜於此矣秦始皇二十二
年以爲碭郡漢高祖嘗以沛公爲碭郡長天下旣
定五年爲梁國文帝十二年封少子武爲梁王太

譚云叔夜能此廣陵散不絕矣

后之愛子、景帝寵弟也、是以警衛貂侍、飾同天子、藏珍積寶、多擬京師、招延豪傑、士咸歸之、長卿之徒、免官來遊、廣睢陽城七十里、大治宮觀、臺苑屏榭、勢並皇居、其所經構也、役夫流唱、必曰、睢陽、創傳由此始也、城西門即寇先鼓琴處也、先好釣、居睢水傍、宋景公問道、不告、殺之、後十年止此門鼓琴而去、宋人家奉事之、南門曰盧門也、春秋華氏居盧門里、叛杜預曰、盧門、宋城南門也、司馬彪郡國志曰、睢陽縣有盧門亭、城內有高臺、甚秀、廣

巍然介立、超焉獨上、謂之蠡臺、亦曰升臺、焉當昔

全盛之時、故與雲霞競遠矣、續述征記曰、迴道似

蠡、故謂之蠡臺、非也、余按闕子漢藝文志縱橫家

作關稱宋景公使工人為弓、九年乃成、公曰、何其

遲也、對曰、臣不復見君矣、臣之精盡於弓矣、獻弓

而歸、三日而死、景公登虎圈之臺、援弓東面而射

之、矢踰于孟、霜之山、舊本注及御覽與文選鮑照詩注俱作西霜唯藝文類聚

作孟集于彭梁之東、餘勢逸勁、猶飲羽于石梁、然

則蠡臺、即是虎圈臺也、蓋宋世半虎所在矣、晉太

和中大司馬桓溫入河命豫州刺史袁真開石門
鮮卑堅戍此臺真頓甲堅城之下不果而還蠡臺
而西又有一臺俗謂之女郎臺臺之西北城中有
涼馬臺臺東有曲池池北列兩釣臺水周六七百
步蠡臺直東又有一臺世謂之雀臺也城內東西
道北有晉梁王妃王氏陵表並列二碑碑云妃諱
粲字女儀東萊曲城人也齊北海府君之孫司空
東武景侯之季女咸熙元年嬪于司馬氏泰始二
年妃于國太康五年薨營陵于新蒙之

此下有太脫誤

康九年立碑東卽梁王之吹宮也基階礎尚在
今建追明寺故宮東卽安梁之舊地也廣周五六

百步舊本作齊周吳本改作廣周水列釣臺池東又有一臺世

謂之清泠臺北城憑隅又結一池臺晉灼曰或說

平臺在城中東北角亦或言兔園在平臺側如淳
曰平臺離宮所在今城東二十里有臺寬廣而不
甚極高俗謂之平臺余按漢書梁孝王傳稱王以
功親爲大國築東苑方三百里廣睢陽城七十里
大治宮室爲複道自宮連屬於平臺三十餘里複

朱云二序約
漢書妙

道自宮東出揚州之門左陽門即睢陽東門也連屬於平臺側近矣御覽引此作則近屬之城隅則不能是

知平臺不在城中也梁王與鄒枚司馬相如之徒

極遊於其上故齊隨郡王山居序所謂西園多士

平臺盛賓鄒馬之客咸在伐木之歌屢陳是用追

芳昔娛神遊千古故亦一時之盛事謝氏賦雪亦

日梁王不悅遊於兔園今也歌堂淪宇律管埋音

孤基塊立無復曩日之望矣城北五六里便得漢

大尉喬玄墓舊本作橋玄冢東有廟即曹氏孟德親酌

處操本微素嘗候於玄玄曰天下將亂能安之者

其在君乎操感知已後經玄墓祭云操以頑質見

納君子士死知已懷此無忘又承約言徂沒之後

路有經由不以斗酒隻雞過相沃酹車過三步腹

痛勿怨雖臨時戲言非至親篤好胡肯為此辭哉

悽愴致祭以申宿懷冢列數碑一碑是漢朝羣儒

英才哲士感喬氏德行之美乃共刊石立碑以示

後世一碑是故吏司徒博陵崔烈廷尉河南吳整

等以為至德在已揚之由人苟不驕述夫何舍焉

譚云捨語偏

采云一言之感便沒世不忘英雄人何嘗無情故昧於恩讎者皆庸人也然宗世林不許操交而操卒容之更是情深處譚云所載已俱撤碑情其文可想

譚云繳字清
明驕字傲听
舍字有不能
釋意更情深

朱云漢碑制
度如此

蔡中郎集載此碑作
苟不繳述夫何考焉
乃共勒嘉石昭明芳烈一碑
是隴西枹罕北次陌陽守長隲為左尉漢陽源道
趙馮孝高以喬公嘗牧涼州感三綱之義慕將順
之節以為公之勲美宜宣舊邦乃樹碑頌以昭令
德光初元年主記椽李友字仲僚作碑文碑陰有
右鼎文建寧三年拜司空又有中鼎文建寧四年
拜司徒又有左鼎文光初元年拜太尉鼎名文曰
故臣門人相與述公之行咨度體則文德銘于三
鼎武功勒于征鉞書于碑陰以昭光懿又有鉞文

朱云清水注
據阜跨澤揚
水注納申吐
拓此云絕睢
注渙同一句
法四字包藏
多少
譚云實字妙

稱是用鏤石假象作茲征鉞軍鼓陳之于東階亦
以昭公之文武之勲焉廟南列二柱柱東有二石
羊羊北有二石虎廟前東北有石駝駝西北有二
石馬皆高大亦不甚雕飾惟廟頽構粗傳遺墉石
鼓仍存鉞今不知所在睢水於城之陽積而為逢
洪陂御覽引此
陂作澤陂之西南有陂又東合明水水上
承城南大池池周千步南流會睢謂之明水絕睢
注渙睢水又東南流歷于竹圃水次綠竹蔭渚菁
菁實望世人言梁王竹園也睢水又東逕穀熟縣

故城北睢水又東蘄水出焉睢水又東逕粟縣故

城北地理志曰侯國也王莽曰成富睢水又東逕

太丘縣故城北地理志曰故敬丘也漢武帝元朔

三年封魯恭王子節侯劉政為侯國漢書王子表魯共王子政

封瑕丘按地理志瑕丘屬山陽郡而敬丘即太丘屬沛郡注似誤引

名列仙傳曰仙人文賓邑人賣鞞履為業矣列仙傳云

文賓者太丘鄉人也賣草履為業數取嫗數十年輒棄之後時故嫗年九十餘續見賓年更壯拜賓

問道賓令其至正月朔會鄉亭西社教令服菊花地膚桑寄生松子嫗亦更壯睢水又東

逕芒縣故城北漢高帝六年封彭跽為侯國王莽

之傳治世祖改曰臨睢城西二里水南有豫州從

事皇毓碑殞身州牧陰君之罪時年二十五臨睢

長平與宋本李君二千石承當作輪氏夏文則郡

志潁川郡有輪氏縣夏文則蓋其邑人也高其行而悼其殞州國咨嗟

旌閭表墓昭敘令德式示後人城內有臨睢長左

馮翊王君碑善有治功累遷廣漢屬國都尉吏民

思德縣人公府掾陳盛孫郎中倪定興劉伯鄜等

共立石表政以刊遠績縣北與碭縣分水有碭山

芒碭縣之間山澤深固多懷神智有仙者涓子主

譚云試問如何得年九十須知此嫗再少非關此藥

柱並隱碭山得道

列仙傳云涓子齊人也餌木接食其精至三百年乃見於齊隱

於宕山能致風雨受伯陽九仙法又云王柱者與道士共上宕山餌丹砂三年得神砂飛雪服之五年能

飛行漢高祖隱之呂后望氣知之即於是處也京

房易侯曰何以知賢人隱師曰視四方常有[○]大雲

五色具而不雨其下賢人隱矣

便是隱象

又東過相縣南屈從城北東流當蕭縣南入于睢

相縣故宋地也秦始皇二十三年以為泗水郡漢

高帝四年改曰沛郡治此漢武帝元狩六年封南

越桂林監居翁為侯國曰湘成也王莽更名之吾

符縣曰吾符亭也

舊本作吾符高亭漢地理志上莽改沛郡曰吾符改相縣曰吾

符亭睢水東逕石馬亭亭西有漢故伏波將軍馬援

墓睢水又東逕相縣故城南宋恭公之所都也國

府園中猶有伯姬黃堂基堂夜被火左右曰夫人

少避伯姬曰婦人之義保傅不具夜不下堂遂遇

火而死斯堂即伯姬燬死處也城西有伯姬冢昔

鄭渾為沛郡太守於蕭相二縣與陂堰民賴其利

刻石頌之號曰鄭陂睢水又左合白瀆水水上承

梧桐陂陂側有梧桐山陂水西南流逕相城東而

南流注于睢。睢盛則北流入于陂。陂溢則西北注于睢。出入迴環，更相通。注故經有入睢之文。睢水又東逕彭城郡之靈壁。東東南流。漢書項羽敗漢王于靈壁，東卽此處也。又云東通穀泗。服虔曰水名也。在沛國相界。又詳睢水逕穀熟，兩分而睢水爲蘄水。故二水所在枝分，通爲兼稱。穀水之名蓋因地變然。則穀水卽睢水也。又云漢軍之敗也，睢水爲之不流。睢水又東南逕竹縣故城南。地理志曰：王莽之篤亭也。李奇曰：今竹邑縣也。睢水又東

與淝湖水合。水上承留丘縣之淝。陂南北百餘里，東西四十里。東至朝解亭，西屆彭城留丘縣之故城。東王莽更名之曰善丘矣。其水自陂南系于睢水。睢水又東南八丈，故溝水注之。水上承蘄水而北，會睢水。又東逕符離縣故城北。漢武帝元光四年，封路博德爲侯，國王莽之符合也。睢水東逕臨淮郡之取慮故城北。昔汝南步遊張少失其母，及爲縣令，遇母于此，乃使良馬踟蹰，輕軒周進，顧訪病姬，乃其母也。誠願宿憑，而冥感昭徵矣。睢水又

東合烏慈水水出縣西南烏慈渚潭漲東北流與長直故瀆合溝舊上承蘄水北流八十五里注烏慈水烏慈水又東逕取慮縣南又東屈逕其城東而北流注于睢睢水又東逕睢陵縣故城北漢武帝元朔元年封江都易王子劉楚爲侯國孫云按史記年表江都易王子劉定國封睢陵侯索隱曰在淮陽王莽之睢陸也睢水又東與潼水故瀆會舊上承潼縣西南潼陂東北流逕潼縣故城北又東北逕睢陵縣下會睢水又東南流逕下相縣故城南高祖十二年封莊侯泠

耳爲侯國應劭曰下相水出沛國相縣故此加下也然則下相又是睢水之別名也東南流入于泗謂之睢口經止蕭縣非也所謂得其一而亡其二矣

瓠子河出東郡濮陽縣北河

縣北十里卽瓠河口也尚書禹貢雷夏旣澤雝沮會同爾雅曰水自河出爲雝許慎曰雝者河雝水也暨漢元光之年河水南決漂害民居武帝元封二年上使汲仁郭昌發卒數萬人塞瓠子決河於

譚云外字妙
翻說緩更好
形容

是上自萬里沙還、臨決河、沈白馬、玉壁、令羣臣將
軍以下、皆負薪填決河、上悼功之不成、乃作歌曰
瓠子決兮將奈何、殫爲河兮地不寧、功無已時兮
吾山平、吾山平兮巨野溢、魚沸鬱兮柏冬日、正道
弛兮離常流、蛟龍騁兮放遠遊、歸舊川兮神哉沛、
不封禪兮安知外、皇謂河公兮史記作爲我
謂河伯兮何不
仁、泛濫不止兮愁吾人、齧桑浮兮淮泗滿、久不返
兮水唯緩、一日河湯湯兮激潺湲、北渡迴兮迅流
難、牽長菱兮湛美玉、隕竹林兮捷石菑、宣防塞兮

萬福來、於是卒塞瓠子口、築宮於其上、名曰宣房
宮、故亦謂瓠子堰爲宣房堰、而水亦以瓠子受名
焉、平帝已後、未及修理、河水東浸、日月彌廣、永平
十二年、顯宗詔樂浪人王景治渠、築隄起自滎陽
東、至千乘、一千餘里、景乃防遏衝要、疏決壅積、瓠
子之水絕而不通、唯溝瀆存焉、河水舊東、河逕濮
陽城東北、故衛也、帝顓頊之墟、昔顓頊自窮桑徙
此、號曰商丘、或謂之帝丘、本陶唐氏火正闕伯之
所居、亦夏伯昆吾之都、殷之相、又都之、故春秋傳

日闕伯居商丘相土因之是也衛成公自楚丘遷
此秦始皇徙衛君角於野王置東郡治濮陽縣濮
水逕其南故曰濮陽也沛公守濮陽環之以水張
晏曰依河水自固春秋僖公十三年夏會于鹹杜
預曰東郡濮陽縣有咸城者也是瓠子故瀆又東
逕桃城南春秋傳曰分曹地自洮盡曹地也今甄
城一作郟城西南五十里有桃城或謂之洮也瓠瀆又
東南逕清丘北春秋宣公十二年經書楚滅蕭晉
人宋衛曹同盟于清丘京相璠曰在今東郡濮陽

二 縣東南三十里魏都尉治

東至濟陰句陽縣爲新溝

漢地志濟陰郡句陽縣春秋句瀆之丘也音鉤

瓠河故瀆又東逕句陽之成陽城北側瀆帝王世
紀曰堯葬濟陰成陽西北四十里是爲穀墨子以
爲堯堂高三尺土階三等北教八狄道死葬蛩山
之陰山海經曰堯葬狄山之陽一名崇山二說各
殊以爲成陽近是堯冢也余按小成陽在成陽西
南舊本作西北半里許實中俗嗛以爲囚堯城士安蓋
以是爲堯冢也瓠子北有都關縣故城縣有羊里

諱云城卽今
所謂佳城指
冢也囚言憂
囚也以堯死

而葬此也汲
冢瑣語云放
堯平陽固是
鬼窟之言竹
書云堯末年
德衰見囚亦
爲虛空之語

亭瓠河逕其南爲羊里水蓋資城地而變名由經
有新溝之異稱矣黃初中賈逵爲豫州刺史與諸
將征吳於洞浦有功魏封逵爲羊里亭侯邑四百
戶卽斯亭也魏志云賈逵征吳破呂範於洞浦進封陽里亭侯俗名之羊
子城非也蓋韻近字轉耳又東右會濮水枝津水
上承濮渠東逕鉏丘城南京相璠曰今濮陽城西
南十五里有沮丘城六國時沮楚同以爲楚丘非
也又東逕浚城南而北去濮陽三十五里城側有
寒泉岡卽詩所謂爰有寒泉在浚之下世謂之高

平渠非也京相璠曰濮水故道在濮陽南者也又
東逕句陽縣西句瀆出焉濮水枝渠又東北逕句
陽縣之小成陽縣故東垂亭西而北入瓠河地理
志曰濮水首受沛於封丘縣東北至都關入羊里
水者也又按地理志山陽郡有都關縣今其城在
廩丘城西考地志山陽廩丘俱屬濟陰則都關無
隸山陽理又按地理志郟都亦是山陽之屬縣矣
而京相考地驗城又並言在廩丘城南推此而論
似地志之誤矣或亦疆理參差所未詳瓠瀆又東

逕垂亭北春秋隱公八年宋公衛侯遇于犬丘經書垂也京相璠曰今濟陰句陽縣小成陽東五里有故垂亭者也

又東北過廩丘縣爲濮水

瓠河又左逕雷澤北其澤藪在大城陽縣故城西北一十餘里昔華胥履大蹟處也其陂東西二十餘里南北一十五里卽舜所漁也澤之東南卽成陽縣故史記曰武王封弟季載於成應劭曰其後乃遷于成之陽故曰成陽也地理志曰成陽有堯

冢靈臺今成陽城西二里有堯陵陵南一里有堯母慶都陵於城爲西南稱曰靈都鄉曰崇仁邑號修義皆立廟四周列水潭而不流水澤通泉泉不耗竭至豐魚筍不敢採捕前並列數碑栝栢數株

檀馬

檀馬或謂檀與駮馬也詩疏云駮馬梓榆也諺曰斫檀不諦得繫迷繫迷尚可得駮馬言

三木之相似也

成林二陵南北列馳道逕通皆以塼砌之

尚修整堯陵東城西五十餘步中山夫人祠堯妃也石壁堦墀仍舊南西北三面長櫟聯蔭扶疎里餘中山夫人祠南有仲山甫冢冢西有石廟羊虎

傾低、破碎略盡、於城為西南、在靈臺之東北、按郭緣生述征記、自漢迄晉、二千石及丞尉、多刊石述敘、堯卽位至永嘉三年、二千七百二十有一載、記于堯妃、見漢建寧四年五月成陽令管遵所立碑文云、堯陵北、山甫墓南、二冢間、伍員祠、晉大安中立一碑、是永興中、建今碑祠、並無處所、又言堯陵在城南九里、中山夫人祠在城南二里、東南六里、堯母慶都冢、堯陵北二里、有仲山甫墓、考地驗狀、咸為疎僻。蓋聞疑書疑耳。雷澤西南十許里、有小

以訛傳訛罪
歸作備賴明

服人辨除耳

山、孤立峻上、亭亭傑峙、謂之歷山。山北有小阜、南屬池、澤之東北、有陶墟、緣生言舜耕陶所在、墟阜聯屬、濱帶瓠河也、鄭玄曰、歷山在河東、今有舜井、皇甫謐或言今濟陰歷山是也、與雷澤相比、余謂鄭玄之言為然、故楊雄河水賦曰、登歷觀而遙望兮、聊浮遊於河之巖、今雷首山、西枕大河、按之圖緯、於事為允、士安又云、定陶西南陶丘舜亭一作也、不言在此、緣生為失、瓠河之北、卽廩丘縣也、王隱晉書地道記曰、廩丘者春秋之所謂齊邑矣、實表

東海者也竹書紀年晉烈公十一年田悼子卒田

布殺其大夫公孫公孫以廩丘叛于趙今竹書作公孫孫多

一孫田布圍廩丘翟角趙孔肩韓師竹書作氏救廩丘

及田布戰于龍澤田布敗遁是也瓠河與濮水俱

東流經所謂過廩丘為濮水者也縣南瓠北有羊

角城春秋傳曰取晉羊角遂襲我高魚天舊本作有

雨自竇入介其庫登其城剋而取之者也京相璠

曰衛邑也今東郡廩丘縣南有羊角城今魯邑也

今廩丘東北有故高魚城俗謂之交魚城謂羊角

為角逐城皆非也瓠河又逕陽晉城南史記蘇秦

說齊曰過衛陽晉之道逕于亢父之險者也今陽

晉城在廩丘城東南一十餘里與都關為左右也

張儀曰秦下甲攻衛陽晉大關天下之匈徐廣史

記音義云關一作開東之亢父則其道矣瓠河之

北又有邲都城春秋隱公三年邲侵衛京相璠曰

東郡廩丘縣南三十里有故邲都地理志曰山陽

鄉也褚先生曰漢封金安上為侯國孫按史記年表金安上封

都成侯埤按漢書地志山陽郡有城都縣而無都成不審何在王莽更名之曰城

穀者也瓠河又東逕黎縣故城南王莽改曰黎治矣孟康曰今黎陽也薛瓚言按黎陽在魏郡非此黎陽也世謂黎侯城昔黎侯陽寓于衛詩所謂胡爲乎泥中毛云泥中邑名疑此城也土地汙下城居小阜魏濮陽郡治也瓠河又東逕穉縣故城南地理志曰濟陰之屬縣也褚先生曰漢武帝封金日磾爲侯國王莽之萬歲矣世猶謂之爲萬歲亭也瓠河又東逕鄆城南春秋左傳成公十六年公自沙隨還待于鄆京相璠曰公羊作運字今東郡廩丘縣東八十里有故運城卽此城也

又北過東郡范縣東北爲濟渠與將渠合

瓠河自運城東北逕范縣與濟濮枝渠合故渠上承濟瀆於乘氏縣北逕范縣左納瓠瀆故經有濟渠之稱又北與將渠受河於范縣西北東南逕秦亭南杜預釋地東平范縣西北有秦亭也又東南逕范縣故城南王莽更名建睦也漢興平中靳允爲范令曹太祖東征陶謙於徐州張邈迎呂布郡縣響應程昱說允曰君必固范我守東阿田單之

功卽斯邑也將渠又東會濟渠自下通謂之將渠
北逕范城東俗又謂之趙溝非也

又東北過東阿縣東

瓠河故瀆又東北左合將渠枝瀆上承將渠於范
縣東北逕范縣北又東北逕東阿城南而東入瓠
河故瀆又北逕東阿縣故城東春秋經書冬及齊
侯盟于柯左傳曰冬盟于柯始及齊平杜預曰東
阿卽柯邑也按國語曹沫挾匕首劫齊桓公返遂
邑於此矣

又東北過臨邑縣西又東北過茌平縣東爲鄧里渠
自宣防已下將渠已上無復有水將渠下水首受
河自北爲鄧里渠

又東北過祝阿縣爲濟渠

河水自泗口出爲濟水濟水二瀆合而東注于祝
阿也

又東北至梁鄒縣西分爲二

脉水尋梁鄒濟無二流蓋經之誤

其東北者爲濟河其東者爲時水又東北至濟西濟

河東北入于海時水東至臨淄縣西屈南過太山華
縣東又南至費縣東入于沂

譚云時而如
一也今豫章
呼而爲如

時卽𣶒水也音而春秋襄公三年齊晉盟于𣶒者
也京相璠曰今臨淄唯有濇水西北入沛卽地理
志曰如水矣𣶒如聲相似然則濇水卽𣶒水也蓋
以濇與時合得通稱矣時水自西安城西南分爲
二水枝津別出西流德會水注之水出昌國縣黃
山西北流逕昌國縣故城南昔樂毅攻齊有功燕
昭王以是縣封之爲昌國君德會水又西北五里

泉水注之水出縣南黃阜北流逕城西北入德會
又西北世謂之滄浪溝又北流注時水地理志曰
德會水出昌國西北至西安入泗是也時水又西
逕東高苑城中而西注也俗人遇令側城南注又
屈其城南史記漢文帝十五年分齊爲膠西王國
都高邑徐廣音義曰樂安有高苑城故俗謂之東
苑也其水又北注故瀆又西蓋野溝水注之源導
延鄉城東北平地出泉西北逕延鄉城北地理志
曰千乘有延鄉縣世人謂故城爲從城延從字相

似讀隨字改所未詳也西北流世謂之蓋野溝又西北流逕高苑縣北注時水時水又西逕西高苑縣故城南漢高帝六年封丙倩爲侯國王莽之常鄉也其水側城西注京相璠曰今樂安博昌縣南界有時水西通濟其上源出盤陽北至高苑下有死時中無水杜預亦云時水於樂安枝流旱則竭耗爲春秋之乾時也左傳莊公九年齊魯戰地魯師敗處也時水西北至梁鄒城入于沛非沛入時蓋時來注沛若沛分東流明不得以時爲名尋時

沛更無別流南延華費之所斯爲謬矣

汶水出太山萊蕪縣原山西南過羸縣南

萊蕪縣在齊城西面原山又在縣西南六十許里地理志汶水與淄水俱出原山西南入沛故不得過其縣南也從征記曰汶水出縣西南流又言自入萊蕪谷夾路連山百數里水隍多行石澗中出草藥饒松柏林藿綿濛崖壁相望或傾岑阻徑或廻巖絕谷清風鳴條山壑俱響凌高降深兼惴慄之懼危蹊絕徑過懸度之艱未出谷十餘里有別

采云綿蒙二
字叙林壑幽
絕身入溪澗
林木處寒露
涓涓始知其
工
譚云有聲有
色畫所不如

谷在孤山，谷有清泉，泉上數丈，有石穴二口，容人行，入穴丈餘，高九尺許，廣四五丈，言是昔人居山之處，薪爨煙墨猶存，谷中林木緻密，行人艱有能至矣。又有少許山田，引灌之，蹤尚存。出谷有平丘，面山傍水，土人悉以種麥，云此丘不宜殖稷黍，而宜麥，齊人相承以殖之，意謂麥丘所栖愚公谷也。何其深沈幽翳，可以託業怡生如此也。余時逕此，爲之踟躕，爲之屢眷矣。余按麥丘，愚公在齊不在魯，川谷猶傳其名，蓋誌者之謬耳。汶水又西南逕羸縣故城南，春秋左傳桓公三年公會齊侯于羸，成婚于齊也。

又東南過奉高縣北

奉高縣漢武帝元封元年立，以奉太山郡治也。縣北有吳季札子墓，在汶水南曲中，季札之聘上國也。喪子於羸，博之間卽此處也。從征記曰：羸縣西六十里有季札兒冢，冢圓，其高可隱也。前有石銘一所，漢末奉高令所立，無所述敘，標誌而已。自昔恒蠲民戶灑掃之，今不能然，碑石糜碎，靡有遺矣。

唯跌存焉

屈從縣西南流

汶出牟縣故城西南阜下俗謂之胡盧堆淮南子曰汶出弗其高誘曰山名也或斯阜也牟縣故城在東北古牟國也春秋時牟人朝魯故應劭曰魯附庸也俗謂是水為牟汶也又西南逕奉高縣故城而西南流注于汶汶水又南右合北汶水出分水谿源與中川分水東南流逕太山東右天門下谿水水出太山天門下谷東流古者帝王升封咸

譚云大境界
大眼孔大手
筆

未云極其形
容心目靈甚

憩此水水上往往有石竅存焉蓋古設舍所跨處也馬第伯書云光武封太山第伯從登山去平地二十里南向極望無不覩其為高也如視浮雲其

峻當有也字石壁宵窳仰視巖石松樹鬱鬱蒼蒼如在

雲中俯視谿谷碌碌不可丈尺直上七十里天門

仰視天門如從穴中視天矣今封禪儀記曰不可丈尺遂至天門之下

仰視天門窅遠如從穴中視天直上七里賴其羊腸逶迤名曰環道往往有繩索可得而登也應

劭漢官儀云太山東南山頂名曰日觀者雞一鳴時見日始欲出長三丈許故以名焉其水自谿而

東濬波注壑東南流逕龜陰之龜田山在博縣北
一十五里昔夫子傷政道之陵遲故望山而懷操
故琴操有龜山操焉山北卽龜陰之田也春秋定
公十年齊人來歸龜陰之田是也又合環水水出
太山南谿南流歷中階兩廟間從征記曰太山有
下中上三廟牆闕嚴整廟中栢樹夾兩階大二十
餘圍蓋漢武所植也赤眉嘗斫一樹見血而止今
斧創猶存門閣三重樓榭四所三層壇一所高丈
餘廣八尺樹前有大井極香冷異於凡水不知何

代所掘不常浚滌而水旱不減庫中有漢時故樂
器及神車木偶皆靡密巧麗又有石勒建武十三
年永貴侯張余上金馬一匹高二尺餘形制甚精
中廟去下廟五里屋宇又崇麗於下廟廟東西夾
澗上廟在山頂卽封禪處也其水又屈而東流入
于汶水又東南流逕南明堂下漢武帝元封元年
封太山降坐明堂於山之東北趾武帝以古處嶮
狹而不顯也欲治明堂於奉高傍而未曉其制濟
南人公玉帶上黃帝時明堂圖圖中有一殿四面

譚云大及廟
儀細及松釋
如水之江河
既標溝渠必
悉耳

無壁以茅蓋之通水園宮垣為複道上
有樓從西南入名曰崑崙天子從之入
以拜祀上帝焉於是上令奉高作明堂
於汶水如帶圖也古引水為壁雍處基
瀆存焉世謂此水為石汶山海經曰環
水出泰山東流注于江即此水也環水
又左入于汶水汶水又西南流逕徂徠
山西山多松柏詩所謂岵嶰之松也廣
雅曰道梓松也抱朴子稱玉策記曰千
歲之松中有物或如青牛或如青犬或
如人皆壽萬歲又稱天陵有偃蓋之松
也所謂樓松也

魯連子曰松樅高千仞而無枝非憂王
室之無柱也爾雅曰松葉栢身曰樅鄒
山記曰徂嶰山在梁甫奉高博三縣界
猶有美松亦曰尤嶰之山也赤眉渠師
樊崇所堡也故崇自號尤嶰三老矣山
東巢父廟山高十里山下有陂水方百
許步三道流注一水東北沿溪而下屈
逕縣南西北流入于汶一水北流歷澗
西流入于汶一水南流逕陽關亭南春秋
襄公十七年逆臧紇自陽關者也又西
流入于汶水也

過博縣西北

汶水南逕博縣故城東春秋哀公十一年會吳伐博者也灌嬰破田橫於城下屈從其城南西流不在西北也汶水又西南逕龍鄉故城南春秋成公二年齊侯圍龍龍囚頃公嬖人盧蒲就

左傳作盧蒲就魁

殺而膊諸城上齊侯親鼓取龍者也漢高帝八年封謁者陳署為侯國汶水又西南逕亭亭山東黃帝所禪也山有神廟水上有石門舊分水下漑處也汶水又西南逕陽關故城西本鉅平縣之陽關

亭矣春秋襄公十七年逆臧紇自陽關者矣陽虎

據之

舊本作居之

以叛伐之虎焚萊門而奔齊者也汶

水又南左會淄水水出太山梁父縣東西南流逕菟裘城北春秋隱公十一年營之公謂羽父曰吾將歸老焉故郡國志曰梁父有菟裘聚淄水又逕梁父縣故城南縣北有梁父山開山圖曰太山在左亢父在右亢父知生梁甫王死王者封太山禪梁甫故縣取名焉淄水又西南逕柴縣故城北地理志曰太山之屬縣也世謂之柴汶矣淄水又逕

邾北漢高帝六年封董濩為侯國春秋齊師圍邾
邾人伐齊飲馬於斯水也昔孔子行於邾之野遇
榮啓期於是衣鹿裘被髮琴歌三樂之權夫子善
其能寬矣列子榮啓期曰天生萬物唯人為貴吾
得為人一樂也男女之別男尊女卑吾
得為男二樂也人生有不見日月不見
免襁褓者吾行年九十矣是三樂也淄水又西逕

陽關城南西流注於汶水汶水又南逕鉅平縣故
城東而西南流城東有魯道詩所謂魯道有蕩齊
子由歸者也今汶上夾水有文姜臺汶水又西南
流詩云汶水滔滔矣淮南子曰貉渡汶則死天地

之性倚伏難尋固不可以情理窮也汶水又西南
逕魯國汶陽縣北王莽之汶亭也縣北有曲水池
亭春秋桓公十二年經書公會杞侯莒子於曲池
左傳曰平杞莒也故杜預曰魯國汶陽縣北有曲
水亭漢章帝元和三年東巡太山立行宮於汶陽
執金吾耿恭屯城門於汶上基壑存焉世謂之闕
陵城也汶水又西逕汶陽縣故城北而注

又西南過蛇丘縣南

汶水又西洸水注焉又西逕蛇丘縣南縣治鑄鄉

故城春秋左傳宣叔娶于鑄是也杜預曰濟北蛇丘縣所治鑄鄉城者也

又西南過岡縣北地理志鄉故闡也王莽更之曰柔也應劭曰春秋經書齊人取謹及闡亭是也杜預春秋釋地曰闡在岡縣北岡城東有一小亭今岡縣治俗人又謂之關亭京相璠曰岡縣西四十里有闡亭未知孰是汶水又西蛇水注之水出縣東北太山西南流逕汶陽之田齊所侵也自汶之北平暢極目僖公

以賜季友蛇水又西南逕鑄城西左傳所謂蛇淵圃也故京相璠曰今濟北有蛇丘城城下有水魯圃也俗謂之濁須水非矣蛇水又西南逕夏暉城南經書公會齊侯于下謹是也今俗謂之夏暉城蓋春秋左傳桓公三年公子翬如齊齊侯送姜氏于下謹非禮是也世有夏暉之名矣蛇水又西南入汶汶水又西溝水注之水出東北馬山西南流逕棘亭南春秋成公三年經書秋叔孫僑如帥師圍棘左傳曰取汶陽之田棘不服圍之南去汶水

八十里又西南逕遂城東地理志曰蛇丘隧鄉故
隧國也春秋莊公十三年齊滅遂而戍之者也京
相璠曰隧在蛇丘東北十里杜預亦以爲然然縣
東北無城以擬之今城在蛇丘西北蓋杜預傳疑
之非也又西逕下謹城西而入汶水汶水又西逕
春亭北考古無春名唯平陸縣有崇陽亭然是東
去岡城四十里進一作璠所注則符並所未詳也
又西南過平章縣南

地理志曰東平國故梁也景帝中和六年別爲濟

東國武帝元鼎元年爲大河郡宣帝甘露二年爲
東平國王莽之有鹽城也章縣按世本任姓之國
也齊人降章者也故在無鹽城東北五十里汶水
又西南有泌水注之水出肥縣東北自源西南流
逕肥城縣故城南樂正子春謂其弟子曰子適齊
過肥肥有君子焉左逕句窳亭北章帝元和二年
鳳凰集肥城句窳亭復其租而巡太山卽是亭也
泌水又西南逕富城縣故城西王莽之成富也舊本
作城其水又西南流注于汶汶水又西南逕桃鄉

縣故城西王莽之鄣亭也世以此為鄣城非蓋因
 巨新之故目耳
 又西南過無鹽縣南又西南過壽張縣北又西南至
 安民亭入于濟

汶水自桃鄉四分當其派別之處謂之四汶口其
 左二水雙流西南至無鹽縣之郈鄉城南魯叔孫
 昭伯之故邑也禍及鬪雞矣春秋左傳定公十一
 年叔孫氏墮郈今其城無南面汶水又西南逕東
 平陸縣故城北應劭曰古厥也今有厥亭汶水又

西逕危山南世謂之龍山也漢書五行志曰哀帝
 時無鹽危山土自起覆草如馳道狀又瓠山石轉
 立晉灼曰漢注作報山山脇石一丈漢書作轉側一枚
 起立高九尺六寸傍行一丈高漢書作廣四尺東平王

雲及后謁自之石所祭治石象報山立石束倍草
 并祠之建平三年息夫躬告之王自殺后謁棄市
 國除漢書石立宣帝起之象也汶水又西合為一
 水西南入茂都澱澱陂水之異名也澱水西南出
 謂之巨野溝又西南逕致密城南郡國志曰須昌

縣有致密城古中都城卽夫子所宰之邑矣制養生送死之節長幼男女之禮路不拾遺器不彫僞矣巨野溝又西南入桓公河北水西出澗謂之臣良水一作巨良西南逕致密城北西南流注洪瀆次一汶西逕邠亭北又西至壽張故城東遂爲澤渚初平三年曹公擊黃巾於壽張東鮑信戰死於此其右一汶西流逕無鹽縣之故城南舊宿國也齊宣后之故邑所謂無鹽醜女也漢武帝元朔四年封城陽共王子劉慶爲東平侯卽此邑也王莽更名

譚云無而爲有真所謂刻畫無鹽矣醜

亦祖季札意然帶劍上吾丘茂陵猶能魂怒不識過冢賜劍他下東平亦知感

之曰有鹽亭汶水又西逕洽鄉城南地理志曰所謂無鹽有洽鄉者也汶水西南流逕壽張縣故城北春秋之良縣也縣有壽聚漢曰壽良應劭曰世祖叔母名良故光武改曰壽張也建武十五年世祖封樊宏爲侯國汶水又西南長直溝水注之水出須昌城東北穀陽山南逕須昌城東又南漆溝水注焉水出無鹽城東北五里阜山下西逕無鹽縣故城北水側有東平憲王倉冢碑闕存焉元和三年章帝幸東平祀以太牢親拜祠坐賜御劍於

陵前其水又西流注長直溝溝水奇分爲二一水
西逕須昌城南入浦一水南流注於汶汶水又西
流入浦故淮南子曰汶出弗其西流合浦今淮南子云汶
出弗其流高誘云弗其山名在朱虛縣東余按誘
合於濟說是乃東汶非經所謂入沛者也蓋其誤證耳

水經注卷二十四

水經注卷二十五

漢 桑欽撰

後魏酈道元注

泗水 沂水

泗水出魯卞縣北山

地理志曰出濟陰乘氏縣又云出卞縣北經言北
山皆爲非矣山海經曰泗水出魯東北余昔因公
事泂歷徐沅路逕洙泗因令尋其源流水出卞縣
故城東南桃墟西北春秋昭公七年謝息納季孫

采云筆味輕
秀出手如活

譚云不須絕
流竟無漏網

水為魚離安
見相忘之樂

之言以孟氏成邑與晉而遷于桃杜預曰魯國卞

縣東南有桃墟世謂之曰陶墟舜所處也井曰舜

井皆為非也墟有澤澤方一十五里御覽引此云陶墟舜所陶

處也井曰舜井皆為此也淶水激滄三丈如減澤墟有漏澤方一十五里

西際阜俗謂之媯亭山蓋有陶墟舜井之言因復

有媯亭之名矣阜則有三石穴廣圓三四尺穴有

通否水有盈漏數夕之中則傾陂竭澤矣御覽引此云阜

側有三石穴廣圓三四尺穴有通否水有盈漏漏則數夕之中傾陂竭澤矣左右民居

識其將漏預以木為曲狀約郭穴口魚鼈暴鱗不

可勝載矣自此連岡通阜西北四十許里岡之西

際便得泗水之源也博物志曰泗出陪尾蓋斯阜

者矣石穴吐水五泉俱導泉穴各徑尺餘水源南

側有一廟栝栢成林時則謂之原泉祠非所究也

泗水西逕其縣故城南春秋襄公二十年季武子

取卞曰聞守卞者將叛臣率徒以討之是也南有

西姑蔑城春秋隱公元年公及邾儀父盟于蔑者也

水出二邑之間西逕郟城北春秋文公七年經書
公伐邾三月甲戌取須句遂城郟杜預曰魯邑也

水經注 卷三十五
卞縣南有郛城備邾難也泗水自卞而會於洙水也

西南逕魯縣北
泗水又西南流逕魯縣分爲二流水側有一城爲二水之分會也北爲洙瀆春秋莊公九年經書冬浚洙京相璠曰杜預並言洙水在魯城北浚深之爲齊備也南則泗水夫子教于洙泗之間今於城北二水之中卽夫子領徒之所也從征記曰洙泗二水交於魯城東北十七里闕里背洙泗牆南北

一百二十步東西六十步四門各有石闕北門去洙水百步餘後漢初闕里荆棘自闕從講堂至九里鮑永爲相因修饗祠以誅魯賊彭豐等郭緣生言泗水在城南非也余按國語宣公夏濫于泗淵里革斷罟棄之韋昭云泗在魯城北史記冢記王隱地道記咸言葬孔子於魯城北泗水上今泗水南有夫子冢春秋孔演圖曰鳥化爲書孔子奉以告天赤爵銜書上化爲黃玉刻曰孔提命作應法爲赤制說題辭曰孔子卒以所受黃玉葬魯城北

譚云爵書化玉麟銜玉書斯文天縱禽獸皆知文字之寶

譚云墓塋不生棘木刺草講堂荆棘自闢皆不可思議之事

棘木刺草今則無復遺條矣

聖賢冢墓記云孔子冢塋中樹以百數皆

異種世世無能名其樹者其樹皆弟子持其方樹來種之有柞枌雜離女貞五味龜檀之屬泗

水自城北南逕魯城西南合沂水沂水出魯城東南尼丘山西北山即顏母所祈而生孔子也山東

一十里有顏母廟山南數里孔子父葬處禮所謂

防墓崩者也平地發泉流逕魯縣故城南水北東

門外即爰居所止處也國語曰海鳥曰爰居止於

魯城東門之外三日臧文仲祭之展禽譏焉故莊

子曰海鳥止郊魯侯觴之奏以廣樂具以太牢三

日而死此養非所養矣門郭之外亦戎夷死處呂

氏春秋曰昔戎夷違齊如魯天大寒而後門與弟

子宿於郭門外寒愈甚謂弟子曰子與我衣我活

我與子衣子活我國士也為天下惜子不肖人不

譚云戎語原
墮弟子有此
捷口智過於
師矣
又云嘑云不
濟本此

足愛、弟子曰、不肖人惡、能與國士并衣哉、戎歎曰、
不濟夫、解衣與弟子、半夜而死、沂水北對稷門、昔
圍人犖有力、能投蓋于此門、服虔曰、能投千鈞之
重過門之上也、杜預謂走接屋之桷、反覆門上也、
春秋僖公二十年、經書春新作南門、左傳曰、書不
時也、杜預曰、本名稷門、僖公更高大之、今猶不與
諸門同、故名高門也、其遺基猶在地、八丈餘矣、亦
曰雩門、春秋左傳莊公十年、公子偃請擊宋師、竊
從雩門蒙臯比而出者也、門南隔水有雩壇、壇高

三丈、曾點所欲風舞處也、高門一里餘、道西有道
兒君碑、是魯相陳君立、昔曾參居此、臯不入郭、縣
卽曲阜之地、少昊之墟、有大庭氏之庫、春秋豎牛
之所攻也、故劉公幹魯都賦曰、戢武器於有炎之
庫、放戎馬於巨野之坳、周武王封姬旦於曲阜、曰
魯、秦始皇二十三年、以爲薛郡、漢高后元年、爲魯
國、阜上有季氏宅、宅有武子臺、今雖崩夷、猶高數
丈、臺西百步、有大井、廣三丈、深十餘丈、以石壘之、
石以磬制、春秋定公十二年、公山不狃帥費攻魯

水經注 卷二十五
公入季氏之宮登武子之臺也。臺之西北二里有周公臺，高五丈，周五十步。臺南四里許，則孔廟。卽夫子之故宅也。宅大一頃，所居之堂，後世以爲廟。漢高祖十三年，過魯，以太牢祀孔子。自秦燒詩書，經典淪缺，漢武帝時，魯恭王壞孔子舊宅，得尚書春秋、論語、孝經。時人已不復知有古文，謂之科斗書。漢時秘之，希有見者。于時聞堂上有金石絲竹之音，乃不壞矣。廟屋三間，夫子在西面，東向。顏母舊本作在中間，南面。夫人隔東一間，東向。夫子牀徵母

前有石硯一枚，作甚朴。云平生時物也。魯人藏孔子所乘車於廟中，是顏路燒語所請者也。獻帝時，廟遇火燒之。永平中，鍾離意爲魯相，到官出私錢萬三千文，付戶曹孔訢治夫子車，身入廟，拭几席，劔履。男子張伯除堂下草，土中得玉璧七枚。伯懷其一，以六枚白意，意令主簿安置几前。孔子寢堂牀首有懸甕，意召孔訢問何等甕也。對曰：夫子甕也。背有丹書，人勿敢發也。意曰：夫子聖人，所以遺甕，欲以懸示後賢耳。發之中，得素書，文曰：後世修吾書。

鍾云素書轉韻似古逸詩質甚奇甚朱云轉韻森變決非秦漢以後人僞作然開後人樂府妙境

鍾云詢仰二字說出畫家性情

董仲舒。護吾車。拭吾履。發吾笥。會稽鍾離意。璧有七。張伯藏其一。意即召問伯。果服焉。魏黃初二年。

文帝令郡國修起孔子舊廟。置百夫吏卒。夫舊作尺吳改

作夫埜按曹植撰孔羨奉家祀碑云以議郎孔羨為宗聖侯邑百戶奉孔子之祀令魯郡修起舊廟

置百戶吏卒廟有夫子像。列二弟子執卷立侍。穆

穆有詢仰之容。漢魏以來廟列七碑。二碑無字。栝

栢猶茂。廟之西北二里有顏母廟。廟像猶嚴。有修

栝五株。孔廟東南五百步有雙石闕。即靈光之南

闕北百餘步。即靈光殿基。東西二十四丈。南北十

二丈。高丈餘。東西廊廡別舍中間方七百餘步。闕

之東北有浴池。方四十許步。池中有釣臺。方十步

池臺悉石也。遺基尚整。故王延壽賦曰。周行數里

仰不見日者。也是漢景帝程姬子魯恭王之所造

也。殿之東南即泮宮也。在高門直北。道西宮中有

臺高八十尺。臺南水東西一百步。南北六十步。臺

西水南北四百步。東西六十步。臺池咸結石為之

詩所謂思樂泮水也。泮水又西逕圓丘。北丘高四

丈餘。泮水又西流。昔韓雉射龍於斯水之上。尸子

曰韓雉見申羊於魯有龍飲於沂韓雉曰吾聞也
出見虎搏之見龍射之今弗射是不得行吾聞也
遂射之沂水又西右注泗水者也

又西過瑕丘縣東屈從縣東南流濼水從東來注之
瑕丘魯邑春秋之負瑕矣哀公七年季康子伐邾
囚諸負瑕是也應劭曰瑕丘在縣西南昔衛大夫
公叔文子升於瑕丘蘧伯玉從文子曰樂哉斯丘
死則我欲葬焉伯玉曰吾子樂之則瑗請前刺其
欲害民良田也瑕丘之名蓋因斯以表稱矣曾子

弔諸負夏鄭玄皇甫謐並言衛地魯衛雖殊土則
一也濼水出東海合鄉縣漢和帝永寧九年封馬
光子復爲侯國其水西南流入邾春秋哀公二年
季孫斯伐邾取濼東田及沂西田是也濼水又逕
魯國鄒山東南而西南流春秋左傳所謂嶧山也
邾文公之所遷今城鄒山之陽依巖岨以墉固故
邾婁之國曹姓也叔梁紇之邑也孔子生於此後
乃縣之因鄒山之名以氏縣也王莽之鄒亭矣京
相璠曰地理志嶧山在鄒縣北繹邑之所依爲名

譚云處人字
新

也、山東西二十里、高秀、獨出、積石相臨、殆無土壤、
石間多孔穴、洞達相通、往往有如數間屋處、其俗
謂之嶧。孔遭亂、輒將處當作居人入嶧、外寇雖衆、無
所施害、永嘉中、太尉郗鑒將鄉曲逃此山、胡賊攻
守不能得、今山南有大嶧、名曰郗公嶧、山北有絕
巖、秦始皇觀禮於魯、登於嶧山之上、命丞相李斯
以大篆勒銘山嶺、名曰畫門、御覽引此注作畫門
俱誤唯山東通志作
書門詩所謂保其鳧嶧者也、潞水又西南逕蕃縣
近是故城南、又西逕薛縣故城北、地理志曰、夏車正奚

譚云有字惠
心不言而喻
喻字正妙
譚云冢稱瑩
麗非其宜故
是與

仲之國也、竹書紀年、梁惠成王三十一年、邳遷于
薛、改名徐州、城南山上有奚仲冢、晉太康地記、奚
仲冢在城南二十五里山上、百姓謂之神靈也、齊
封田文於此、號孟嘗君、有惠喻、惠喻當作惠譽即
馮瑗焚券事也
今郭側猶有文冢、結石為郭、作制嚴固、瑩麗可尋、
行人往還、莫不逕觀、以為異見矣、潞水又西逕仲
虺城北、晉太康地記曰、奚仲遷於邳、仲虺居之以
為湯左相、其後當周、爵稱侯、後見侵削、霸者所紬
為伯任、姓也、應劭曰、邳在薛、徐廣史記音義曰、楚

元王子郢以呂后二年封上邳侯也按史記楚元王子劉郢客

封上邳侯有下故此為上矣晉書地道記曰仲虺城在

薛城西三十里灑水又西逕至胡陸縣入于泗故

京相璠曰薛縣灑水首受蕃縣西注山陽胡陸是

也經言瑕丘東誤耳

又南過平陽縣西

縣即山陽郡之南平陽縣也竹書紀年曰梁惠成

王二十九年齊田盼及宋人伐我東鄙圍平陽者

也王莽改之曰龜平矣泗水又南逕故城西世謂

之漆鄉應劭十三州記曰漆鄉邾邑也杜預曰平

陽東北有漆鄉灑今見有故城西南方二里所未

詳也

又南過高平縣西洸水從北西來流注之

泗水南逕高平山、山東西十里、南北五里、高四里、

與衆山相連、其山最高、頂上方平、故謂之高平山、

縣亦取名焉、泗水又南逕高平縣故城西漢宣帝

地節三年封丞相魏相為侯國高帝八年封將軍

陳錯為橐侯史記漢書功臣表並作橐侯陳錯為將從擊陳豨有功舊本水經注亦作

藁侯此注改作藁侯未知何據
豈酈君所見史漢別本有異乎
地理志曰縣故山

陽之藁也舊本藁作藁
王莽改曰高平應劭曰章帝改

按本志曰王莽改名章帝因之矣所謂泚水者洙水也蓋泚洙相入受通稱矣

又南過方輿縣東方輿晉灼音房豫

漢哀帝建平四年縣女子田無嗇生子先未生二月兒啼腹中及生不舉葬之陌上三日人過聞啼聲母掘養之

荷水從西來注之荷當作荷

荷水即沛水之所苞注以成湖澤也而東與泗水合於湖陵縣西六十里穀庭城下俗謂之黃水口黃水西北通巨野澤蓋以黃水泂注于荷故因以名焉

又屈東南過湖陸縣南洧涓水宋本作涓涓水注同從東北來流注之

地理志曰故湖陸縣也荷水在南王莽改曰湖陸應劭曰尚書一名湖陵章帝封東平王蒼子為湖陵侯更名湖陵也泗水又東逕郟鑿所築城北又

譚云此兒生前啼死後啼專以啼異

譚云如此習
見者不必全
載此鄙生少
裁剪處

東逕湖陵城東南昔桓溫北入也范曄擒慕容忠
於此城東有度尚碑泗水又左會南梁水地理志
曰水出蕃縣今縣之東北平澤出泉若輪焉發源
成川西南流分爲二水北枝水西出逕蕃縣北西
逕滕城北春秋左傳隱公十一年滕侯薛侯來朝
爭長薛侯曰我先封滕侯曰我周之上正也薛庶
姓也我不可以後之公使羽父請薛侯曰君辱在
寡人周諺有之曰山有木工則度之賓有禮主則
擇之周之宗盟異姓爲後寡人若朝于薛不敢與

諸任齒君若辱貶寡人則願以滕君爲請薛侯許
之乃長滕侯者也漢高祖封夏侯嬰爲侯國號曰

滕公鄧晨曰今沛郡公丘也其水又漑公丘焉縣

故城在滕西北按地理志卽滕也周懿王子錯叔

繡文公所封也

世本云周文王子錯叔繡封于滕
杜預世譜並同唯漢書地理志沛郡

公丘縣注謂滕是周懿王子錯
叔繡所封故水經注仍其說

齊滅之秦以爲縣

漢武帝元朔三年封魯恭王子劉順爲侯國世以

此水漑我良田遂及百秭故有兩溝之名焉南梁

水自枝渠西南逕魯國蕃縣故城東俗以南隣於

澗亦謂之西澗水、南梁水又屈逕城南、應劭曰、縣古小邾邑也、地理志曰、其水西流注于沛、沛在湖陸西、而左注泗、泗沛合流、故地記或言沛入泗、泗亦言入沛、互受通稱、故有入沛之文、闕駟十三州志曰、西至湖陸入泗、是也、經無南梁之名、而有涓涓之稱、疑卽是水也、戴延之西征記、亦言湖陸縣之東南、有涓涓水、亦無記於南梁、謂是吳王所道之瀆也、余按湖陸西南、止有是水、延之蓋以國語云、吳王夫差、起師將北會黃池、掘溝於商魯之間、

宋云直如宛
家相對別有
一種離校

北屬之沂、西屬于沛、以是言之、故是水為吳王所掘、非也、余以精在此水路求之、止自泗川耳、蓋北達沂、西北逕於商魯、而接於沛、吳所浚廣耳、非謂起自東北、受沂西南注沛也、假之有通、非吳所趣、年載誠眇、人情廁近、以今忖古、知一延之之不通情理矣、泗水又南澗水注之、又逕薛之上邳城西而南注者也、

又東過沛縣東、昔許由隱於沛澤、卽是縣也、縣蓋取澤為名、宋滅

屬楚左泗水之濱於秦爲泗水郡治黃水注之黃
水出小黃縣黃鄉黃溝國語曰吳子會諸侯於黃
池者也黃水東流逕外黃縣故城南張晏曰魏郡
有內黃縣故加外也薛瓚曰縣有黃溝故縣氏焉
圜稱陳留風俗傳曰縣南有渠水於春秋爲宋之
曲棘里故宋之別都矣春秋昭公二十五年宋元
公卒於曲棘是也宋華元居於稷里宣公十五年
楚鄭圍宋晉解楊圍楚致命于此宋人懼使華元
乘闔夜入楚師登子反之床曰寡君使元以病告

弊邑易子而食析骸以爨城下之盟所不能也子
反退一舍宋楚乃平今城東闔上猶有華元祠祠
之不輟城北有華元冢黃溝自城南東逕葵丘下
春秋僖公九年齊桓公會諸侯于葵丘宰孔曰齊
侯不務德而勤遠略北伐山戎南伐楚西爲此會
東略之不知西則否矣其有亂乎君務靖亂無勤
於行晉侯乃還卽此地也黃溝又東注大澤蒹葭
莞葦生焉卽世所謂大薺陂也陂水東北流逕定

陶縣南

又東逕山陽郡

成武縣之楚丘亭北黃溝又東逕郟城北成武縣故城南王莽更之曰成安也黃溝又東北逕郟城北春秋桓公二年經書取郟大鼎于宋戊申納于大廟左傳曰宋督攻孔父而取其妻殺殤公而立公子憑以郟大鼎賂公臧僖伯諫爲非禮十三州志曰今成武縣東南有郟城俗謂之北郟者也黃溝又東逕平樂縣故城南又東右合泡水卽豐水之上源也水土承大薺陂東逕貫城北又東逕已

氏縣故城北王莽之已善也縣有伊尹冢崔駰曰殷帝沃丁之時時伊尹卒葬于薄皇覽曰伊尹冢在濟陰已氏平利鄉皇甫謐曰伊尹年百餘歲而卒大霧三日沃丁葬以天子之禮親自臨喪以報大德焉又東逕孟諸澤杜預曰澤在梁國睢陽縣東北逕邛城縣故城南地理志曰山陽縣也王莽更名之曰郟城矣故世有南郟北郟之論也又東逕單父故城南昔宓子賤之治也孔子使巫馬期觀政入其境見夜漁者問曰子得魚輒放何也曰

鍾云割雞馬
用牛刀正與
此語同意皆
惜之也

小者。吾大夫欲長育之故也。子聞之曰。誠彼形此。子賤得之善矣。惜哉不齊所治者小也。王莽更名斯縣為利善矣。世祖建武十三年封劉茂為侯國。又東逕平樂縣右合泡水。水上承淮水。水下同於下邑縣界東北注一水。上承淮水於杼秋縣界北流。世又謂之瓠盧溝。水積為渚。渚水東北流二渠。雙引左合澧水。俗謂之二泡也。自下澧泡並得通稱矣。故地理志曰平樂侯國也。泡水所出又逕豐西潭。謂之豐水。漢書稱高祖送徒麗山徒多亡到

豐西澤有大蛇當徑拔劍斬之。此即漢高祖斬蛇處也。又東逕大偃水分為二。又東逕豐縣故城南。王莽之吾豐也。水側城東北流。右合枝水上承豐西大堰。派流東北逕豐城北。東注澧水。澧水又東合黃水。時人謂之狂水。蓋狂黃聲相近。俗傳失實也。自下黃水又兼通稱矣。水上舊有梁謂之泡橋。王智深宋史云宋太尉劉義恭於彭城遣軍主舊本作遣軍王吳本改作軍正並誤六朝時每謂將帥為軍主如梁書韋粲令軍主鄭逸逆擊侯景是其例也。今改定稽玄敬北至城覘候魏軍魏軍於清西望

見玄敬士衆魏南康侯杜道儁引趣泡橋沛縣民
逆燒泡橋又於林中打鼓儁謂宋軍大至爭渡泡
水水深酷寒凍溺死者殆半清水卽泗水之別名
也沈約宋書稱魏軍欲渡清西非也泡水又東逕
沛縣故縣疑城南秦末丘起蕭何曹參迎漢祖於
此城高帝十一年封合陽侯劉仲子爲侯國城內
有漢高祖廟廟前有三碑後漢立廟基以青石爲
之階陛尚存劉備之爲徐州也治此袁術遣紀靈
攻備備求救呂布布救之屯小沛招靈請備共飲

布謂靈曰玄德布弟也布性不憚合關但憚解關
乃植戟於門布彎弓曰觀布射戟小支中者當各
解兵不中可留決關一發中之遂解此卽布射戟
支處也述征記曰城極大四周塹通豐水豐水於
城南東注泗卽泡水也地理志曰泡水自平樂縣
東北至沛入泗者也泗水南逕小沛縣東縣治故
縣南垞上東岍有泗水亭漢祖爲泗水亭長卽此
亭也故亭今有高廟廟前有碑延熹十年立廟關
崩虢略無全者水中有故石梁處遺石尚存高祖

之破黥布也。過之置酒沛宮，酒酣歌舞，慷慨傷懷。曰：遊子思故鄉也。泗水又東南流，逕廣戚縣故城。南漢武帝元朔元年，封劉澤爲侯國。王莽更之曰力聚也。泗水又逕留縣，而南逕垞城。東城西南有崇侯虎廟道，淪遺愛，不知何因而遠有此圖。泗水又南逕宋大夫桓魋冢，西山抗泗水上，而盡石鑿而爲冢。今人謂之石郭者也。郭有二重石，作工巧。夫子以爲不如死之速朽也。

又東南過彭城縣東北

譚云龍華始
于法顯

泗水西有龍華寺，是沙門釋法顯遠出西域浮海東還，持龍華圖，首創此制。法流中夏，自法顯始也。其所持天基二石，仍在南陸東基堪中，其石尚光潔可愛。泗水又南淮水入焉，而南逕彭城縣故城。東周顯王四十二年，九鼎淪沒泗淵。秦始皇時而鼎見於斯水，始皇自以德合三代，大喜，使數千人沒水求之，不得，所謂鼎伏也。亦云：系而行之，未出龍齒齧斷其系，故語曰：稱樂大早絕鼎系。當是孟浪之傳耳。泗水又逕龔勝墓，南墓碣尚存，又經亞

譚云此語是
狂喜者之藥
當揭以爲箴

父冢東皇覽曰亞父冢在廬江縣郭東居巢亭中
有亞父井吏民親事皆祭亞父於居巢廳上後更
造祠於郭東至今祠之按漢書項羽傳歷陽人范
增未至彭城而發疽死不言之居巢今彭城南有
項羽掠馬臺臺之西南山麓上卽其冢也增不慕
范蠡之舉而自絕於斯可謂褊矣推考書墓事近
於此也

又東南過呂縣南

呂宋邑也春秋襄公元年晉師伐鄭及陳楚子辛

救鄭侵宋呂留是也縣對泗水漢景帝三年有白
頸烏與黑烏羣鬪於縣白頸烏不勝墮泗水中死
者數千京房易傳曰逆親親厥妖白黑烏鬪時有
吳楚之反泗水之上有石梁焉故曰呂梁也昔宋
景公以弓工之弓彎弧東射矢集彭城之東飲羽
於石梁卽斯梁也懸濤湍澣實爲泗嶮孔子所謂
魚鼈不能游又云懸水三十仞流沫九十里今則
不能也蓋惟嶽之喻未便極天明矣晉太康地記
曰水出磬石書所謂泗濱浮磬者也泗水又東南

流丁溪水注之溪水上承泗水於呂縣東南流北帶廣隰山高而注于泗川泗水冬春淺溢常排沙。通道是以行者多從此溪卽陸賦所云乘丁水之捷岸排泗川之積沙者也。晉太原九年左將軍謝玄於呂梁遣督護聞人奭用工九萬擁水立七拖以利運漕者。拖當作埭晉書謝玄堰呂梁水植柵立七埭爲派擁二岸之流以利漕運

又東南過下邳縣西

泗水歷縣逕葛嶧山東卽奚仲所遷邳嶧者也泗水又東南逕下邳縣故城西東南流沂水流納注

焉故東海屬縣也應劭曰奚仲自薛徙居之故曰下邳也漢徙齊王韓信爲楚王都之後乃縣焉王莽之閏儉東陽郡治文穎曰秦嘉東陽郡今下邳是也晉灼曰東陽縣本屬臨淮郡明帝分屬下邳後分屬廣陵故張晏曰東陽郡今廣陵郡也漢明帝置下邳郡矣城有三重其大城中有司馬石苞鎮東將軍胡質司徒王渾監軍石崇四碑南門謂之白門魏武擒陳宮於此處矣中城呂布所守也小城晉中興北中郎將荀羨郝曇所治也昔太山

諱云今明知
明歐且暗下
毒手者觀此
寧不慙痛

吳伯武少孤與弟文章相失二十餘年遇於縣市
文章欲歐伯武心神悲慟因相詢問乃兄弟也縣
爲沂泗之會也又有武原水注之水出彭城武原
縣西北會注陂南逕其城西王莽之樂亭也縣東
有徐廟山山因徐徙以卽名之也山上有石室徐
廟也武原水又南合武水謂之泐水南逕剛亭城
又南至下邳入泗謂之武原水口也又有桐水出
西北東海容丘縣東南至下邳入泗泗水東南至
下相縣故城東王莽之從德也城之西北有漢太

尉陳球墓墓前有三碑是弟子管寧華歆等所造
初平四年曹操攻徐州破之拔取慮睢陵夏丘等
縣以其父避難被害於此屠其男女十萬泗水爲
之不流自是數縣人無行跡亦爲暴矣泗水又東
南得睢水口泗水又逕宿預城之西又逕其城南
故下邳之宿留縣也王莽更名之曰康義矣晉元
皇之爲安東也督運軍儲而爲邸閣也魏太和中
南徐州治後省爲戍梁將張惠紹北入水軍所次
憑固斯城更增修郭塹其四面引水環之今城在

泗水之中也

又東南入于淮

泗水又東逕陵柵南西征記曰舊陵縣之治也泗

水又東南逕淮陽城城

一本無城字

北臨泗水昔菑丘

訖飲馬斬蛟眇目於此處也

韓詩外傳東海有勇士菑丘訖過神泉飲

馬馬為蛟所取訖拔劍入水三日三夜殺二蛟而出雷神隨而擊之眇其左目吳越春秋作椒丘訖

云訖為齊王使吳過淮津飲馬於淮水神取其馬訖大怒袒裼持劍入水求神決戰連日乃出眇其

目泗水又東南逕魏陽城北城枕泗川陸機行思

賦曰行魏陽之枉渚故無魏陽疑即泗陽縣故城

也王莽之所謂淮平亭矣蓋魏文帝幸廣陵所由

或因變之未詳也泗水又東逕角城北而東南流

注于淮考諸地說或言泗水於睢陵入淮亦云於

下相入淮皆非實錄也

沂水出泰山蓋縣艾山

鄭玄云出沂山亦或云臨樂山水有三源南源所

導世謂之柞泉屯水所發俗謂之魚窮山

御覽引此三源

作二源屯水作北水山作泉

俱東南流合成一川右會洛預水

水出洛預山東北流注之沂水東南左合桑預水

水北出桑預山東流一作于沂水沂水又東南墜

琅水入焉出魯山東南流右注沂水水又東逕蓋

縣故城南東會連綿之水水發連綿山南流逕蓋

城東而南入沂沂水又東逕浮來之山春秋經書

公及莒人盟于浮來者也即公來山也在邳鄉西

故號曰邳來之間也浮來之水注之其水左控三

川右會甘水而注于沂沂水又南逕爆山西山有

二峰相去一里雙巒齊秀員峙若一沂水又東南

逕東苑縣故城西與沂水合孟康曰縣故鄴邑今

鄴亭是也漢武帝元朔二年封城陽共王弟吉為

東苑侯按史漢年表作東莞魏文帝黃初中立為東苑郡晉書地志

云太康元年分瑯琊置東莞郡此云黃初中立未詳東燕錄謂之團城劉武

帝北伐廣固登之以望王難王難字誤當作五龍廣固有五龍口塞其

口則城必陷詳具二十六卷魏南青州治左氏傳曰莒魯爭鄆

為日多宋本作久矣今城北鄆亭是也京相璠曰琅邪

姑幕縣南四十里員亭故魯鄆邑世變其字非也

郡國志東苑有鄆亭今在團城東北四十里猶謂

之故東苑城矣小沂水出黃孤山西南流逕其城

北西南注于沂沂水又南與間山水合水出間山
 東南流右佩二水總歸于沂沂水南逕東安縣故
 城東而南合時密水水出時密山莒地莒人歸共
 仲于魯及密而死是也密水東流逕東安城南漢
 封魯孝王子彊為東安侯密水又東南流入沂沂
 水又南桑泉水北出五女山東南流巨圍水注之
 水出巨圍之山東南注于桑泉水桑泉水又東南
 堂阜水入焉其水導源堂阜春秋莊公九年管仲
 請囚鮑叔受之及堂阜而稅之杜預曰東莞蒙陰

縣西北有夷吾亭者是也堂阜水又東南注桑泉
 水桑泉水又東南逕蒙陰縣故城北王莽之蒙恩
 也又東南與叟、齒、水合水有二源雙會東導一川
 俗謂之汶水也東逕蒙陰縣注桑泉水又南東廬
 川水注之水出鹿嶺山東南流左則二川臻湊右
 則諸葛泉源斯奔亂流逕城陽之盧縣故蓋縣之
 盧上里也漢武帝元朔二年封城陽共王弟劉稀

為侯國

漢書王子侯表云城陽共王弟稀封雷侯
 埠按盧與雷古字通用周禮盧維讀作雷

也雍是王莽更名之曰著善矣又東南注于桑泉水

譚云立性二字有根幹方不似世間爛好人

桑泉水又東南南右合蒙陰三水水出蒙陰山東北流昔琅邪承宮避亂此山立性。好仁。不與物競。人有認其忝者捨之而去其水東北流入沂沂水又南逕陽都縣故城東縣故陽國也齊同盟齊利其地而遷之者也漢高帝六年封將軍丁復爲侯國沂水又南與蒙山水合水出蒙山之陰東流逕陽都縣南東注沂水沂水又左合溫水水上承溫泉陂而西南入于沂水者也

南過琅邪臨沂縣東又南過開陽縣東

沂水南逕中丘城西春秋隱公七年夏城中丘左傳曰書不時也沂水又南逕臨沂縣故城東郡國志曰琅邪有臨沂縣故屬東海郡有洛水注之水出太山南武陽縣之冠石山地理志曰冠石山洛水所出應劭地理風俗志曰武水出焉蓋水異名也東流逕蒙山下有蒙祠洛水又東南逕顓臾城北郡國志曰縣有顓臾城季氏將伐之孔子曰昔者先王以爲東蒙主社稷之臣也何以伐爲冉有曰今夫顓臾固而便近於費者也洛水又東南流

逕費縣故城南地理志東海之屬縣也爲魯季孫
之邑子路將墮之公山弗擾師襲魯弗克後季氏
爲陽虎所執弗擾以費畔卽是邑也漢高帝六年
封陳賀爲侯國王莽更名之曰順從也許慎說文
云沂水出東海費縣東西入泗從水斤聲呂忱字
林亦言是矣斯水東南所注者沂水在西不得言
東南趣也皆爲謬矣故世俗謂此水爲小沂水洛
水又東南逕祊城南春秋隱公八年鄭伯請釋太
山之祀而祀周公使宛歸泰山之祊而易許田杜
預釋地曰祊鄭祀泰山之邑也在琅邪費縣東南
洛水又東南流注于沂沂水又南逕開陽縣故城
東縣故邠國也春秋左傳昭公十八年邾人襲邠
盡俘以歸邠子曰余無歸矣從孥于邾是也後更
名開陽矣春秋哀公三年經書季孫斯叔孫州仇
帥師城啓陽者是矣縣故琅邪郡治也

又東過襄賁縣東屈從縣西南流又屈南過邾縣西
魯連子稱陸子謂齊湣王曰魯費之衆臣甲舍于
襄賁者也王莽更名章信也邾故國也少昊之後

春秋昭公十七年郟子朝魯公與之宴昭子叔孫
 媯問曰少昊鳥名官何也郟子曰吾祖也我知之
 黃帝炎帝以雲火紀官太皞以龍紀少皞瑞鳳鳥
 統歷鳥官之司議政斯在孔子從而學焉既而告
 人曰天子失官學在四夷者也竹書紀年晉烈公
 四年越子末句滅郟以郟子鳩歸今竹書紀年晉烈公六年於越
子朱勾伐郟以郟子鳩歸縣故舊魯也東海郡治秦始皇以為
 郟郡漢高帝二年更從今名即王莽之沂平者也
 又南過良城縣西又南過下邳縣西南入于泗

春秋左傳曰昭公十三年秋晉侯會吳子于良吳
 子辭水道不可以行晉乃還是也地理志曰良城
 王莽更名承翰矣沂水於下邳縣北西流分為二
 水一水於城北西南入泗一水逕城東屈從縣南
 亦注泗謂之小沂水水上有橋徐泗間以為圯昔
 張子房遇黃石公於圯上即此處也建安二年曹
 操圍呂布於此引沂泗灌城而擒之

洙水出泰山蓋縣臨樂山

地理志曰臨樂山洙水所出西北至蓋入泗水或

作池字蓋字誤也洙水自山西北逕蓋縣漢景帝中元五年封后兄信為侯國又西逕泰山東平陽縣春秋宣公八年冬城平陽杜預曰今泰山平陽縣是也河東有平陽故此加東矣晉武帝元康九年改為新泰縣也

西南至卞縣入于泗

洙水西南流盜泉水注之泉出卞城東北卞山之陰尸子曰孔子至於暮矣而不宿於盜泉渴矣而不飲惡其名也

史記鄒陽傳注引尸子曰孔子至勝母縣暮矣而不宿而淮南子及

鹽鐵論竝云里名勝母曾子不入故論撰考讖曰水名盜泉仲尼

譴云盜泉不漱所以絕惡貪泉可飲所以顯真

不漱卽斯泉矣西北流注于洙水洙水又西南流于卞城西西南

此西南二字疑衍或有脫誤

泗水亂流西南至

魯縣東北又分為二水水側有故城兩水之分會也洙水西北流逕孔里此是謂洙泗之間矣春秋之浚洙非謂始導矣蓋深廣之耳洙水又西南枝津出焉又南逕瑕丘城東而南入石門門

此門字疑衍

又結石為水門跨於水上也西南流世謂之杜武溝洙水又西南逕南平陽縣之顯間亭西邾邑也

春秋襄公二十一年經書邾庶其以漆間丘來奔者杜預曰平陽北有顯間亭十三州記曰山陽南平陽縣又有間丘鄉從征記曰杜謂顯間丘也今按漆鄉在縣東北漆鄉東北十里見有間丘鄉顯間非也然則顯間自是別亭未知孰是又南洸水注之呂忱曰洸水出東平上承汶水於岡縣西闡亭東爾雅曰汶別為闡其曰洛之波矣

一作其由洛之有波

矣洸水西南流逕盛鄉城西京相璠曰岡縣西南有盛鄉城者也又南逕太山寧陽縣故城西漢武

帝元朔三年封魯共王子劉恬為侯國王莽改之曰寧順也又南洸水枝津注之水首受洸西南流逕瑕丘城北又西逕寧陽城南又西南入于洸水洸水又西南逕太山郡乘丘縣故城東趙肅侯二十年韓將舉與齊魏戰于乘丘即此縣也

史記世家趙肅

侯二十三年韓舉與齊魏戰死于桑丘漢地志太山郡有桑丘乃史誤也

漢武帝元朔五年封中山靖王子劉將夜為侯國也洸水又東

南流注于洸水又南至高平南入于泗水西有莘

鄉城東去高平三十里京相璠曰今高平縣西三

十里有故茅鄉城者也

水經注卷二十五

水經注卷二十六

漢 桑 欽撰

後魏酈道元注

巨洋水 溜水

涑水 濰水 膠水

涑水出琅邪東莞縣西北山

漢地理志術水出琅邪郡東莞縣南至下邳入

泗過郡三行七百一十里青州寢

大弁山與小太山連麓而異名也引控衆流積以

成川東南流逕邳鄉南南去縣八十許里城有三

面而不周於南。故俗謂之半城。沫水又東南流。左
右峴水。水北出大峴山。東南流。逕邳鄉。東東南流。
注于沫水也。

東南過其縣東

沫水左與箕山之水合。水出東諸縣西箕山。劉澄
之以爲許由之所隱也。更爲巨謬矣。其水西南流。
注于沫水也。

又東南過莒縣東

地理志曰莒子之國。盈姓也。少昊後列女傳曰齊

人杞梁殖。襲莒戰死。其妻將赴之道。逢齊莊公公
將弔之。杞梁妻曰。如殖有罪。君何辱命焉。如殖無
罪。有先人之弊廬在下。妾不敢與郊弔。公旋車弔。
諸室妻乃哭於城下七日。而城崩。故琴操云殖死。
妻援琴作歌曰。樂莫樂兮。新相知。悲莫悲兮。生別
離。哀感皇天。城爲之墜。卽是城也。其城三重。並悉
崇峻。唯南開一門。內城方十二里。郭周四十許里。
尺子曰。莒君好鬼巫。而國亡。無知之難。小白奔焉。
樂毅攻齊。守嶮。全國。秦始皇縣之。漢興以爲城陽。

今之窮
極以巧者豈

帶飾金
而已哉始

古人之朴

國封朱虛侯章治莒王莽之莒陵也光武合城陽

國為琅邪國以封皇子京雅好宮室窮極伎巧璧

帶飾以金銀明帝時京不安莒移治閭陽矣後漢書作

章帝時又云移治開陽 沐水又南袁公水東出清山尋坤維

而注沐沐水又南潯水注之水出於巨公之山西

南流舊塌以漑渚田東西二十里南北十五里潯

水又西南流入沐沐水又南與葛陂水會水發三

注山西南流逕辟城城南世謂之辟陽城史記建

元以來王子侯者年表曰漢武帝元朔二年封城

陽共王子劉侯劉壯為侯國也其水於邑積以為

陂謂之辟陽湖西南流注于沐水也

又南過陽都縣東入于沂

沐水自陽都縣又南會武陽溝水水東出倉山山

上有故城世謂之監官城非也即古有利城矣漢

武帝元朔四年封城陽共王子劉釘為侯國也其

城因山為基水導山下西北流謂之武陽溝又西

至即丘縣注于沐沐水又南逕東海郡即丘縣故

春秋之祝丘也桓公五年經書齊侯鄭伯如紀城

祝丘左傳曰齊鄭朝紀欲襲之漢立爲縣王莽更
之曰就信也郡國志曰自東海分屬琅邪闕駟曰
郎祝魯之音蓋字承讀變矣泚水又南逕東海厚
丘縣王莽更之祝其亭也分爲二瀆西南出今無
水世謂之枯泚一瀆南逕建陵縣故城東漢景帝
八年封石綰爲侯國史記年表作六年作衛綰王莽更之曰付
亭也泚水又南逕陵山西魏正元中齊王之鎮徐
州也立大塲遏水西流兩瀆之會置城防之曰曲
泚戍自流三十里西注泚水舊瀆謂之新渠自厚

丘西南出左會新渠南入淮陽宿預縣注泗水地
理志所謂至下邳注泗者也經言於陽都入沂非
矣泚水左瀆自大堰水斷故瀆東南出桑堰水注
之水出襄賁縣泉流東注泚瀆又南左合橫溝水
水發瀆右東入泚之故瀆又南暨于堰舊本作暨于渴蓋塲

字之誤也其水西南流逕司吾山東又逕司吾縣

故城西春秋左傳楚執鍾吾子以爲司吾縣王莽
更之息吾也又西南至宿預注泗水也泚水故瀆
自下堰東南逕司吾城東又東南歷祖口城中相

水出於楚之柎地春秋襄公十年經書公與晉及諸侯會吳于柎京相璠曰宋地今彭城偃陽縣西北有柎水溝去偃陽八十里東南流逕偃陽縣故城東北地理志曰故偃陽國也春秋左傳襄公十年夏四月戊午會于柎晉荀偃士匄請伐偃陽而封宋向戌焉荀瑩曰城小而固勝之不武弗勝爲笑固請丙寅圍之弗克孟氏之臣秦董父輦重如彼偃陽人啟門諸侯之士門焉縣門發鄰左傳作鄰人紇挾之以出門者狄虎彌建大車之輪而蒙之以

甲以爲櫓左執之右拔戟以成一隊孟獻子曰詩所謂有力如虎者也主人縣布董父登之及堞而絕之墜則又縣之蘇而復上者三主人辭焉乃退帶其斷以徇於軍三日諸侯之師久於偃陽請歸智伯怒曰七日不克爾乎取之以謝罪也荀偃士匄攻之親受矢石遂滅之以偃陽子歸獻于武宮謂之夷俘偃陽妘姓也漢以爲縣漢武帝元朔三年封齊孝王子劉就爲侯國王莽更之輔陽也郡國志曰偃陽有柎水柎水而南亂于沂而注于洙

謂之祖口城得其名矣東南至胸縣入游注海也
巨洋水出朱虛縣泰山北過其縣西
泰山即東小泰山也巨洋水即國語所謂具水矣
袁宏謂之巨昧王韶之以爲巨履亦或曰胸瀾皆
一水也而廣其目焉其水北流逕朱虛縣故城西
漢惠帝二年封齊悼惠王子劉章爲侯國地理風
俗記曰丹山在西南丹水所出東入海丹水由朱
虛丘阜矣故言朱虛城西有長坂遠峻名爲破車
峴城東北二十里有丹山世謂之凡山縣在西南

非山也丹凡字相類音從字變也山導丹水有二
源各導一山世謂之東丹西丹水也西丹自穴山
北流逕劇縣故城東東丹水注之出方山山有三
水一水即東丹水也北逕縣合西丹水而亂流又
東北出逕漪薄澗北漪水亦出方山流入平壽縣
積而爲渚水盛則北注東南流屈而東北流逕平
壽縣故城西而北入丹水謂之魚合口丹水又東
北逕望臺東東北注海蓋亦縣所氏者也
又北過臨胸縣東

云淵無潛
可對潭不
皆是形
水色清照
皆絕

眼
早

巨洋水自朱虛北入臨胸縣熏冶泉水注之水出
西谿飛泉側瀨於窮坎之下泉谿之上源麓之側
有一祀目之為冶泉祀按廣雅金神謂之清明斯
地蓋古冶官所在故水取稱焉水色澄明而清冷
特異淵無潛石淺鏤沙文中古壇參差相對後
人微加功飾以為嬉遊之處南北遂岸凌空疎木
交合先公以太和中作鎮海岱余總角之年持節
東州至若炎夏火流閑居倦想提琴命友嬉娛永
日桂筍尋派當作桂輕林委浪琴歌既洽懽情亦
權尋波

暢是焉棲寄實可憑衿小東有一湖佳饒鮮筍匪
直芳齊芍藥實亦潔並飛鱗其水東北流入巨洋
謂之熏冶泉又逕臨胸縣故城東城古伯氏駢邑
也漢武帝元朔二年封菑川懿王子劉奴為侯國
應劭曰臨胸山名也故縣氏之胸亦水名其城側
川臨胸是以王莽用表厥稱焉其城上下泚水悉
是劉武皇北伐廣固營壘所在矣巨洋又東北逕
委粟山東孤阜委立形若委粟又東北洋水注之
水西出石膏山西北石澗口東南逕逢山下祠西

水經注 卷二十六
洋水又南東歷逢山下卽石膏山也麓三成壁立直上山上有石鼓鳴則年凶郭緣生續述征記曰逢山在廣固南三十里有祠并石鼓齊地將亂石人輒打石鼓聞數十里洋水歷其陰而東北流世謂之石溝水東北流出於委粟山北而東注于巨洋謂之石溝口然是水下流亦有時通塞及其春夏水泛川瀾無輟亦或謂之爲龍泉水地理志石膏山洋水是出也今於此縣唯是瀆當之似符羣證矣巨洋又東北得邳泉口泉源西出平地東流注于巨洋巨洋又北會建德水水西發逢山阜而東流入巨洋水也

又北過劇縣西

巨洋水又東北合康浪水水發縣西南嶼山無事樹木而負峭孤峙。嶺岼分立。左思齊都賦曰嶼嶺其左是也康浪水北流注於巨洋巨洋又東北逕劇縣故城西古紀國也春秋莊公四年紀侯不能下齊以與弟季大去其國違齊難也後改曰劇魯連子曰胸劇之人辯者也漢文帝十八年別

菑川國後并北海漢武帝元朔二年封菑川懿王子劉錯爲侯國王莽更之兪縣也城之北側有故臺臺西有方地晏謨曰西去齊城九十七里耿弇破張步於臨淄追至巨洋水上

舊本作巨珠

僵尸相屬

卽是水也巨洋又東北逕晉龍驤將軍幽州刺史辟閭渾墓東而東北流渾側有一墳甚高大時人咸謂之爲焉陵

一作馬陵

而不知誰之丘壟也巨洋水

又東北逕益縣故城東王莽更之滌蕩也晏謨曰南去齊城五十里司馬宣王伐公孫淵北徙豐人

住於此城遂改名爲南豐城也又東北積而爲渾枝津出焉謂之百尺溝西北流逕北益都城也漢武帝元朔三年封菑川懿王子劉胡爲侯國又西北流而注于巨淀矣

當作巨洋

又東北過壽光縣西

巨洋水自湖東北流逕縣故城西王莽之翼平亭也漢光武建武二年封更始子鯉爲侯國城之西南水東有孔子石室故廟堂也中有孔子像弟子問經旣無碑誌未詳所立巨洋又東北流堯水注

之水出劇縣南有崩山卽故義山也俗人以其山
角因名爲角崩山亦名爲角林山皆世俗音譌也
水卽蕤水矣地理志曰劇縣有義山蕤水所出也
北逕嶼山東俗亦名之爲青水矣堯水又東北逕
東西壽光二城間應劭曰壽光縣有灌亭杜預曰
在縣東南斟灌國也又言斟亭在平壽縣東南平
壽故城在白狼水西今北海郡治水上承營陵縣
之下流東北逕城東西入別畫湖亦曰朕懷湖湖
東西二十里南北三十里東北入海斟亭在漑水

東水出桑犢亭東覆甌山亭故高密郡治世謂之
故郡城山謂之塔山水曰鹿孟水亦曰戾孟水皆
非也地理志曰桑犢故亭北海之屬縣矣有覆甌
山漑水所出北逕斟亭西北今日狼水按地理志
北海有斟縣京相璠曰故斟尋國禹後西北去灌

亭九十九十當作九里宋本作九十里恐亦誤耳漑水又北逕寒亭西

郡國志曰平壽在斟灌東薛瓚漢書集注云按汲
郡古文相居斟灌東郡灌是也明帝以封周後改
曰衛斟尋在河南非平壽也又云太康居斟尋羿

宋云薛瓚駁
其非道元證
是文殊淹
清辨故鄴
不獨取其
修詞正該博

之助也

譚云二語凶
惡與報應俱

亦居之桀又居之尚書序曰太康失國兄弟五人
偃于河汭此即太康之居為近洛也余考瓚所據
今河南有尋也衛國有觀土國語曰啟有五觀謂
之姦子五觀蓋其名也所處之邑其名曰觀皇甫
謐曰衛也又云夏相徙南丘依同姓之諸侯于斟
灌斟尋氏即汲冢書云相居斟灌也既依斟尋明
斟尋非一居矣窮后既仗善射篡相韓浞亦因逢
蒙弑羿即其居以生澆因其室而有豷古寒韓
字通用故
春秋襄公四年魏絳曰澆用師滅斟灌及斟尋氏

處澆於過處豷于戈是以伍員言於吳子曰過澆
殺斟灌以伐斟尋是也有夏之遺臣曰靡事羿羿
之死也逃于隔氏今隔縣也收斟灌尋二國之餘
燼殺韓浞而立少康滅之有窮遂亡也是蓋寓其
居而生其稱宅其業而表其邑縱遺文泐禡亭郭
有傳未可以彼有灌自謂專此為非捨此尋名而
專彼為是以上推傳應氏之據亦可按矣堯水又
東北注巨洋伏琛晏謨並言堯嘗頓駕於此故受
名焉非也地理志曰蕤水自劇東北至壽光入海

泂其逗

疑作逕

趣卽是水也

又東北入于海

巨洋水東北逕望海臺西東北流伏琛晏謨並以爲平望亭在平壽縣故城西北八十里古縣又或言秦始皇升以望海因曰望海臺未詳也按史記漢武帝元朔二年封菑川懿王子劉賞爲侯國又東北注于海也

淄水出泰山萊蕪縣原山

淄水出縣西南山下世謂之原泉地理志曰原山

淄水所出故經有原山之論矣淮南子曰水出自

飴山蓋山別名也東北流逕萊蕪谷屈而西北流

逕其縣故城南從征記曰城在萊蕪谷當路阻絕

兩山間道由南北門漢末有范史雲爲萊蕪令言

萊蕪在齊非魯所得引舊說云齊靈公滅萊萊民

播流此谷邑落荒蕪故曰萊蕪禹貢所謂萊夷也

夾谷之會齊侯使萊人以兵劫魯侯宣尼稱夷不

亂華是也余按太無萊柞並山名也郡縣取目焉

漢高祖置左傳曰與之無山及萊柞是也應劭十

三州記曰太山萊蕪縣魯之萊柞邑淄水又西北轉逕城西又東北流與一水合水出縣東南俗謂之家桑谷水從征記名曰聖水列仙傳曰鹿皮公者淄川人也少爲府小吏才巧舉手成器岑山上有神象人不能到小吏白府君請木工斤斧三十人作轉輪造縣閣意思橫生數十日梯道成上其巔作祠屋畱止其傍其二間以自固食芝草飲神泉七十餘年淄水來山下呼宗族得六十餘人命上山半水出盡漂一郡沒者萬計小吏辭遣家室令下山著鹿皮衣升閣而去後百餘年下賣藥齊市也其水西北流注淄水淄水又北出山謂之萊蕪口東北流者也

又東北過臨淄縣東

淄水自山東北流逕牛山西又東逕臨淄縣故城南東得天齊水口水出南郊山下謂之天齊淵五泉並出南北三百步廣十步山卽牛山也左思齊

都賦曰牛嶺鎮其南者也水在齊八祠中齊之爲名起於此矣

封禪書云秦始皇東遊海上禮祠名山大川及八神八神者一曰天主祠

譚云此段文字證解擒縱

論後而有情致真妙手

此引萊

漢爭營丘與

記文異子

直疏後事

長隱咎先

不得以對

病之

云山字宜

行不則有脫

天齊天齊淵水居臨菑南郊山下者二曰地主祠
大山梁父三日兵主祠蚩尤在東平陸監鄉齊之
西境也四曰陰主祠三山五日陽主祠之眾六日
月主祠之萊山七日日主祠成山八日四時主祠
環地理風俗記曰齊所以為齊者即天齊淵名也

其水北流注於淄水又東逕四豪冢北水南山下
有四冢方基員墳咸高七尺東西直列是田氏四
王冢也淄水又東北逕蕩陰里西水東有冢一基
三墳東西八十步是烈士公孫接田開疆古冶子
之墳也晏子惡其勇而無禮投桃以斃之死葬陽
里即此也淄水又北逕其城東城臨淄水故曰臨

淄王莽之齊陵縣也爾雅曰水出其前左為營丘
武王以其地封太公望賜之以四履都營丘為齊
或以為都營陵史記周成王封師尚父于營丘東
就國道宿行遲萊侯與之爭營丘逆旅之人曰吾
聞時難得而易失客寢安殆非就封者也太公聞
之夜衣而行至營丘陵亦丘也獻公自營丘徙臨
淄余按營陵城南無水唯城北有一水世謂之白
狼水西出丹山俗謂凡山也東北流山爾雅出前
左之文不得以為營丘矣營丘者山名也詩所謂

子之營兮，遭我乎，猶之間兮。作者多以丘陵號同。又去萊差近，咸言太公所封。考之春秋經書諸侯城緣陵，左傳曰：遷杞也。毛詩鄭注並無營字，贊以爲非近之。今臨淄城中，有丘在小城內，周迴三百步，高九丈，北降丈五，淄水出其前，故有營丘之名。與爾雅相符。城對天齊淵，故城有齊城之稱。是以安子言：始爽鳩氏居之，逢伯陵居之，太公居之。又曰：先君太公築營之丘，季札觀風，聞齊音曰：泱泱乎，大風也哉！表東海者，其太公乎？田巴入齊，過淄

自鏡

舊誤作回巴，按新序云：田巴臨淄水而觀形，自知醜惡。

郭景純言齊之

營丘，淄水逕其南及東也，非營陵明矣。獻公之徙

其猶晉氏深翼居絳，非謂自營陵而之也。其外郭

卽獻公所徙臨淄城也。世謂之虜城，言齊湣王伐

燕，燕王噲死，虜其民，寶居因郭以名之。

當作虜其民，實居郭

因以名之秦始皇三十四年滅齊爲郡，治臨淄。漢高六

年封子肥於齊爲王，國王莽更名濟南也。戰國策

曰：田單爲齊相，過淄水，有老人涉淄而出，不能行，

坐沙中，單乃解裘於斯水之上也。

又東過利縣東

淄水自縣東北流逕東安平城北又東逕巨淀縣故城南征和四年漢武帝幸東萊臨大海三月耕巨淀卽此也縣東南則巨淀湖蓋以水受名也淄水又東北逕廣饒縣故城南漢武帝元鼎中封菑川靖王子劉國爲侯國淄水又東北馬車瀆水注之受巨淀

李云當作首受巨淀

淀卽濁水所注也呂忱曰濁

水一名溷水出廣縣爲山世謂之治嶺山東北流

逕廣固城西城在廣縣西北四里四周絕澗岨水

深隍晉永嘉中東萊人曹嶷所造也水側山際有

五龍口義熙五年劉武帝伐慕容超於廣固也以

藉嶮難攻兵力勞弊河間人竑文說裕云昔趙攻

曹嶷望氣者以爲繩水帶城非可攻拔若塞五龍

口城當必陷石虎從之嶷請降降後五日大雨雷

電震開後慕容恪之攻段龕十旬不拔塞口而龕

降降後無幾又震開之舊基猶存宜城修築裕塞

之超及城內男女皆悉腳弱病者太半超遂出奔

爲晉所擒也然城之所跨實憑地嶮其不可固城

斗云孔廟注
穆穆有詢仰
之容此注軒
冕之容穆然
百如韓幹貌
人神情奕奕

無如室字
玉壺盛
行此意

者在此濁水東北流逕堯山東從征記曰廣固城
北三里有堯山祠堯因巡狩登此山後人遂以名
山廟在山之左麓廟像東面華宇修整帝圖嚴飾
軒冕之容穆然山之上頂舊有上祠今也毀廢無
復遺式盤石上尚有人馬之跡徒黃石而已唯刀
劍之蹤逼真矣至於燕鋒代鏢魏缺齊銘與今劍
莫殊以密模寫知人功所制矣齊銘宋本作齊鏢疑當作齊鐔以密
摸寫謂以蠟模搨其迹也樹提伽經云庶人然脂
諸侯然蜜天子燃漆晉書山濤傳有蜜章亦謂以
蠟封奏章也西望胡公陵孫暢之所云青州刺史傅弘

仁言得銅棺隸書處濁水又東北流逕東陽城北
東北流合長沙水水出逢山北阜世謂之陽水也
東北流逕廣縣故城西舊青州刺史治亦曰青州
城陽水又東北流石井水注之水出南山頂洞開
望若門焉俗謂是山為磬當作頭山其水北流注
井井際廣城東側三面積石高深一匹有餘長津
激浪瀑布而下澎聶之音驚川聒谷崩洊之勢狀
同洪井北流入陽水余生長東齊極遊其下於中
闊絕乃積綿載後因王事復出海岱郭金紫惠同

通云妙在疏
問二字又妙
在修修妙
學

石井賦詩言意彌日嬉娛尤慰羈心但恨此水時
有通塞耳陽水東逕故七級寺禪房南水北則長
庶徧駕舊本作迥閣承阿林之際則繩坐疏班錫
鉢間設所謂修修釋子眇眇禪棲者也陽水又東
逕陽城東南義熙中晉青州刺史羊穆之築此以
在陽水之陽卽謂城之東陽城世以濁水爲西陽
水故也水流亦有時窮通信爲靈矣昔在宋世是
水絕而復流劉晃賦通津焉魏太和中此水復竭
輟流積年先公除州卽任未暮北史鄴範字世則
范陽涿鹿人太武

時給事東宮太武踐祚追錄先朝舊勳賜爵永寧
男爲征南大將軍慕容白曜司馬及定三齊範多
進策白曜皆用其謀遂表是水復通澄映盈川所
爲青州刺史進爵爲侯

謂幽谷枯而更溢窮泉輟而復流矣海岱之士又
頌通津焉平昌老民孫道相頌曰唯彼繩泉竭踰
三齡祈盡珪璧竭窮斯牲道從隆替降由聖明耄
民河間趙嶷頌云敷化未暮玄澤潛施枯源揚瀾
涸川滌陂北海郭欽曰先政輟津我后通洋但頌
廣文煩難以具載陽水又北屈逕漢城陽景王劉
章廟東東注于巨洋後人場斷令北注濁水時人

通謂濁水爲陽水故有南陽北陽水之論二水渾
流世謂之爲長沙水也亦或通名之爲繩水故晏
謨伏琛爲齊記並云東陽城旣在繩水之陽宜爲
繩陽城非也世又謂陽水爲洋水余按羣書盛言
洋水出臨朐縣而陽水導源廣縣兩縣雖隣川土
不同於事疑焉濁水又北逕臧氏臺西又北逕益
城西又北流注巨淀地理志曰廣縣爲山濁水所
出東北至廣饒入巨淀巨淀之右又有女水注之
水山東安平縣之蛇頭山從征記曰水西有桓公

冢甚高大墓方七十餘丈高四丈員墳圍二十餘
丈高七丈餘一墓方七丈二墳晏謨曰依陵記非
葬禮如承世故與其母同墓而異墳伏琛所未詳
也冢東山下女水原有桓公祠侍其衡

三字未詳奏魏

武王所立曰近日路次齊郊瞻望桓公墳壟在南
山之阿請爲立祀爲塊然之主郭緣生述征記曰
齊桓公冢在齊城南二十里因山爲墳大冢東有
女水或云齊桓公女冢在其上故以名水也女水
導川東北流甚有神焉化隆則水生政薄則津竭

燕建平六年水忽暴竭玄明惡之寢病而亡燕太
上四年女水又竭慕容超惡之燕祚遂淪女水東
北流逕東平安縣故城南續進征記曰女水至安
平城南伏流一十五里然後更流注北楊水城故
鄆亭也春秋魯莊公三年紀季以鄆入齊公羊傳
曰季者何紀侯弟也賢其服罪請鄆以奉五祀田
成子單之故邑也

史記齊襄王入臨淄封田單爲安平君集解云安平城在青州

臨淄縣東十九里古紀之鄆邑也

後以爲縣博陵有平故此加東

也世祖建武七年封菑川王子劉茂爲侯國又逕

安平城東東北逕壘丘東東北入淀地理志曰菑
頭山女水所出東北至臨淄入巨淀又北爲馬車
瀆北合淄水又北時繩之水注之時水出齊城西
南北二十五里平地出泉卽如水也亦謂之源水
因水色黑俗又目之爲黑水西北逕黃山東又北
歷愚山山東有愚公冢時水又屈而逕杜山北有
愚公谷齊桓公時公隱於谿隣有認其駒者公以
與之山卽杜山之通阜以其人狀愚故謂之愚公

韓非子曰齊桓公入山問父老此爲何谷答曰臣舊畜牛生犢以子鬻駒少年謂牛不生駒遂持而

去傍降謂臣愚遂名爲愚公谷故山水有石梁亦謂爲石梁水又

有澧水注之水出時水東去臨淄城十八里所謂

澧中也俗以澧水爲宿留水西北入于時水孟子

去齊三宿而後出澧故世以此而變水名也水南

山西有王歎墓昔樂毅伐齊賢而封之歎不受自

縊而死水側有田引水溉跡尚存時水又西北逕

西安縣故城南本渠也齊大夫離稟之邑矣左傳作雍

廩王莽更之曰東寧時水又西至石洋堰分爲二

水謂之石洋口枝津西北至梁鄒入泲時水又北

逕西安城西又北京水系水注之水出齊城西南

世謂寒泉也東北流直申門西京相璠杜預並言

申門卽齊城南面西第一門矣爲申池昔齊懿公

遊申池邴戎庸職二人害公於竹中左傳作邴今

池無復髣髴然水側尚有小竹木以時遺生也

左思齊都賦注申池在海濱齊藪也余按春秋襄

公十八年晉伐齊戊戌伐離門之荻巳亥焚雍門

壬寅焚東北二郭甲辰東侵及沂而不言北掠于

海且晉獻子尚不辭死以逞志何容對仇敵而不

譚云遯字換
得好言隱於
魚非誤也

徵暴草木于海嶠乎又炎夏火流非遠遊之辰懿
公見弒蓋是白龍魚遯見困近郊矣遯當作服左氏捨
近遺遠考古非議杜預泛言有推據耳系水傍城
北流逕陽門西水次有故封處所謂齊之稷下也
當戰國之時以齊宣王喜文學遊說之士鄒衍淳
于髡田駢接子慎到之徒七十六人皆賜列第爲
上大夫不治而論議是以齊稷下學士復盛且數
百十人劉向別錄以稷爲齊城門名也談說之士
期會於稷門下故曰稷下也鄭志曰張逸問贊云

譚云或爲黍
稷或爲荆棘
儒地自有此
二種

我先師棘下生何時人鄭玄答云齊田氏時善學
者所會處也齊人號之棘下生無常人也余按左
傳昭公二十二年莒子如齊盟于稷門之外漢以
叔孫通爲博士號稷嗣君史記音義曰欲以繼蹤
齊稷下之風矣然棘下又是齊城內地名左傳定
公八年陽虎劫公伐孟氏入自上東門戰于南門
之內又戰于棘下者也蓋亦儒者之所萃焉故張
逸疑而發問鄭玄釋而辯之雖異名于見大歸一
也城內有故臺有營丘有故景王祠卽朱虛侯章

讀云家宅一
所古家無兩

廟矣晉起居注云齊有大蛇長三百步負小蛇長百餘步逕於市中市人悉觀自北門所入處也北門外東北二百步有齊相晏嬰冢宅左傳晏子之宅近市景公欲易之而嬰弗更為誠曰吾生則近市死則易志乃葬故宅後人名之曰清節里系水又北逕臨淄城西門北而西流逕梧宮南昔楚使聘齊齊王饗之梧宮即是宮矣其地猶名梧臺里臺甚層秀東西一百餘步南北如減即古梧宮之臺臺東即闕子所謂宋愚人得燕石處臺西有石

宋云晉書亦
已生合偏有
以景

杜碑

一作石
柱碑

碑猶存漢靈帝熹平五年立其題云

讀云無戍之
下恐脫一字

梧臺里系水又西逕葵丘北春秋莊公八年襄公使連稱管至父戍葵丘京相璠曰齊西五十里有葵丘地若是無戍之僖公九年齊桓會諸侯于葵丘宰孔曰齊侯不務修德而勤遠略葵丘不在齊也引胡廣汾陰葵丘山陽西北葵城宜在此非也余原左傳連稱管至父之戍葵丘以瓜時而往還之期請代弗許將為齊亂故令無寵之妹侯公於宮因無知之出遂害襄公若出遠無伐寧得謀及

婦人而爲公室之亂乎是以杜預稽春秋之旨卽傳安之注于臨淄西不得捨近託遠苟成已異於異可殊卽義爲負然則葵丘之戍卽此地也時水西左迤爲潭又西逕高陽僑郡南魏所立也又西北流注于時時水又東北流繩水注之水出營城東世謂之漢溱水也西北流逕營城北漢景帝四年封齊悼惠王子劉信都爲侯國繩水又西逕樂矣南博昌縣故城南應劭曰昌水出東萊昌陽縣道遠不至取其嘉名闕駟曰縣處勢平故曰博昌

繩水西歷貝丘京相璠曰博昌縣南近繩水有地名貝丘在齊西北四十里春秋莊公八年齊侯田于貝丘見公子彭生豕立而泣齊侯墜車傷足於是處也繩水又西北入時水從征記又曰水出臨淄縣北逕樂安博昌南界西入時水者也自下通謂之爲繩也昔晉侯與齊侯宴齊侯曰有酒如繩指喻此水也時水又屈而東北逕博昌城北時水又東北逕齊利縣故城北又東北逕巨淀縣故城北又東北逕廣饒縣故城北東北入淄水地理風

譚云玄文說
宋武有繩水
帶城之語當
知元為繩索
一因水名
亦非繩繆也

俗志曰淄入濡淮南子曰白公問微言曰若以水

投水如何孔子曰淄繩之水合易牙嘗而知之謂

斯水矣淮南所引孔子曰公語出列子說符篇及呂氏春秋審應覽俱作淄澗

又東北入于海

淄水入馬車瀆亂流東北逕琅槐故城南又東北

逕馬井城北與時繩之水互受通稱故邑流其號

又東北至皮丘沈入于海故晏謨伏琛並言淄繩

之水合於皮丘沈西地理志曰馬車瀆至琅槐入

于海也蓋舉縣言也

汶水出朱虛縣泰山

山上有長城西接岱山東連琅邪巨海千有餘里

蓋田氏之所造也竹書紀年梁惠成王二十年齊

築防以為長城竹書又云晉烈公十二年王命韓

景子趙烈侯及我師伐齊入長城史記所謂齊威

王越趙侵伐我長城者也伏琛晏謨並言水出縣

東南崑山山在小泰山東者也

北過其縣東

汶水自縣東北逕崑城北地理風俗記曰朱虛縣

譚云元次山
樓寓處皆名

吾而加以山
水等傍固實
有是處也

譚云華子魚
安在

東四十里有晤亭城故縣也又東北逕管寧冢東
故晏謨言柴阜西南有魏獨行君子管寧墓墓前
有碑又東北逕柴阜山北山之東有徵士邴原冢
碑誌存焉汶水又東北逕漢青州刺史孫嵩墓西
有碑碣汶山又東逕安丘縣故城北漢高帝八年
封將軍張說爲侯國地理志曰王莽之誅邳也孟
康曰今渠丘亭莒渠丘城是也伏琛晏謨齊記並
言亭在丘城東北十里非城也城對牟山山之西
南有孫賓碩兄弟墓碑誌並在也

又北過淳于縣西又東北入于縣

故夏后氏之斟灌國也周武王以封淳于公號曰
淳于國春秋桓公六年冬州公如曹傳曰淳于公
如曹度其國危遂不復也其城東北則兩川交會
也

濰水出琅邪箕縣

琅邪山名也越王句踐之故國也句踐并吳欲霸
中國徙都琅邪秦始皇二十六年滅齊以爲郡城
卽秦王之所築也遂登琅邪大樂之山作層臺於

其上謂琅邪臺，臺在城東南十里，孤立特顯，出于衆山，上下周二十里餘，傍濱巨海，秦王樂之，因置三月，乃徙黔首二萬戶於琅邪山下，復十二年，所作臺基三層，層高三丈，上級平敞，方二百餘步，高五里，刊石立碑，紀秦功德，臺上有神淵，淵主靈焉。人汗之則竭，齋潔則通，神廟在齊八祠中，漢武帝亦嘗登之。漢高帝呂后七年，以爲王國，文帝三年，更名爲郡，王莽改曰填夷矣。濰水導源濰山，許慎呂忱云：濰水出箕屋山，淮南子曰：濰水出覆舟山。蓋廣異名也。東北逕箕縣故城西，又西析泉水注之，水出析泉縣北，松山東南流，析泉縣東，又東南逕仲固山，東北流入于濰。地理志曰：至箕縣北入濰者也。濰水又東北逕諸縣故城西，春秋文公十二年，季孫行父城諸及鄆，傳曰：城其下邑也。王莽更名諸并矣。濰水又東北涓水注之，出馬耳山，山高百丈，上有二石並舉，望齊馬耳，故世取名焉。東去常山三十里，涓水發于其陰，北逕婁鄉城，東春秋昭公五年，經書夏，莒牟夷以牟婁防，茲來奔者。

也又分諸縣之東爲海曲縣故俗人謂此城爲東諸城涓水又北注于濰水

東北過東武城縣西
縣因岡爲城城周三十里漢高帝六年封郭蒙爲侯國王莽更名之曰祥善矣又北左合扶淇之水水出西南當山東北流注濰晏謨並以濰水爲扶淇之水以扶淇之水爲濰水非也按經脈誌濰自箕縣北逕東武縣西北流合扶淇之水晏謨伏琛云東武城西北二里濰水者卽扶淇之水也濰水

譚云勝火之名雄於不灰

又北右合盧水卽久台水也地理志曰水出琅邪橫縣故山王莽之合丘也山在東武縣故城東南世謂之盧山也西北流逕昌縣故城西東北流齊地記曰東武城東南有盧水水側有勝火木方俗音曰檉子其木經野火燒死炭不滅故東方朔云不灰之木者也其水又東北流逕東武縣故城東而西北入濰地理志曰久台水出東南逕東武入濰者也尚書所謂濰淄其道矣

又北過平昌縣東

濰水又北逕石泉縣故城西王莽之養信也地理
風俗記曰平昌縣東南四十里有石泉亭故縣也
濰水又北逕平昌縣故城東荆水注之水出縣南
荆山阜東北流逕平昌縣故城東漢文帝封齊悼
惠王肥子永爲侯國按史記齊悼惠王城之東南
子劉卬封平昌侯角有臺臺下有井與荆水通物墜於井則取之荆
水昔常有龍出入于其中故世亦謂之龍臺城也
荆水又東北流注于濰水又北涿水注之水出涿
山世謂之巨平山也地理志曰靈門縣有高原山

與涿一山

按漢地理志云靈門縣有高原山壺山涿水所出注云乘古栢字

涿水

所出東北入濰今是山西接涿山許慎說文言水
出靈門山世謂之涿汶矣其水東北逕姑幕縣故
城東縣有五色土王者封建諸侯隨方受之故薄
姑氏之國也闕駟曰周成王時薄姑與四國作亂
周公滅之以封太公是以地理志曰或言薄姑也
王莽曰季睦矣應劭曰左傳曰薄姑氏國太公封
焉薛瓚漢書注云博昌有薄姑城未知孰是涿水
又東北逕平昌縣故城北古場此水以溢溉田南

水經注 卷二十六
注荆水浯水又東北流而注于濰水也

又北過高密縣西

應劭曰縣有密水故有高密之名也然今世所謂百尺水者蓋密水也水有二源西源出奕山亦曰鄆日山晏謨曰山狀鄆日是以此名伏琛曰山上鄆日故名鄆日山也其水東北流東源出五弩山西北流同瀉一壑俗謂之百尺水古人竭以溉田數十頃北流逕高密縣西下注濰水自下亦兼通稱焉亂流歷縣西碑產山西又東北水有故堰舊

鑿石豎柱斷濰水廣六十許步掘東岍激通長渠

東北逕高密故城南明帝永平中封鄧震爲侯國

震鄧禹長子

縣南十里蓄以爲塘方二十餘里古所謂

高密之南都也溉田一頃許陂水散流下注夷安

澤濰水自堰北逕高密縣故城西漢文帝十六年

別爲膠西國宣帝平始元年更爲高密國王莽之

章牟也濰水又北昔韓信與楚將龍且夾濰水而

陣於此信夜令爲萬餘囊盛沙以遏濰水引軍擊

且僞退且追北信決水水大至且軍半不得渡遂

水經注 卷二十六
三
斬龍且於是水水西有鴈阜阜上有漢司農卿鄭
康成冢石碑猶存又北逕昌安縣故城東漢明帝
永平中封鄧襲爲侯國也郡國志曰漢安帝延光
元年復也

又北過淳于縣東

澠水又北左會汶水北逕平城亭西又東北逕密
鄉亭西郡國志曰淳于縣有密鄉地理志皆北海
之屬縣也應劭曰淳于縣東北六十里有平城亭
又四十里有密鄉亭故縣也澠水又東北逕下密

縣故城西城東有密阜地理志曰有三石山祠余
按應劭密者水名是有下密之稱俗以之名阜非
也

又東北逕都昌縣東

澠水東北逕逢萌墓萌縣人也少有大節耻給事
縣亭遂浮海至遼東復還在不其山隱學明帝安
車徵萌以佯狂免又北逕都昌縣故城東漢高帝

六年封朱軫爲侯國北海相孔融爲黃巾賊管亥
所圍於都昌也太史慈爲融求救劉備持的突圍

譚云耻而隱
隱而學微而
佯狂方是有
大節人方是
有作用人

其處也 見吳志

又東北入于海

膠水出黔陬縣膠山北過其縣西

齊記曰膠水出五弩山蓋膠山之殊名也北逕祝

茲縣故城東漢武帝元鼎中封膠東康王子延為

侯國又逕扶縣故城西地理志琅邪之屬縣也漢

文帝元年封呂平為侯國膠水又北逕黔陬故城

西袁崧郡國志曰縣有介亭地理志曰故介國也

春秋僖公九年介葛盧來朝聞牛鳴曰是生三犧

皆用之問之果然晏謨伏琛並云縣有東西二城

相去四十里有膠水非也斯乃拒艾水也水出縣

西南拒艾山即齊記所謂黔艾山也東北流逕拒

縣故城西王莽之秩國也世謂之王城又謂是水

為洋洋水矣又東北逕晏伏所謂黔陬城西四十

里有膠水者也又東入海地理志曰琅邪有推縣

拒艾水出焉

宋本作推縣據按前漢地理志云琅邪有拒縣注云根艾水東入海如淳

云拒音巨

東入海即斯水也今膠水北逕晏伏所謂西

黔陬城東高密郡側有黔陬縣地理志曰膠水出

云一推一
拒安見不合

水經注
卷二十六
三

邾縣邾今地志作邾音夫又音扶

王莽更之純德矣疑卽是縣

所未詳也

又北過夷安縣東

縣王莽更名之曰原亭也應劭曰故萊夷邑也太

史公曰晏平仲萊之夷維之人也漢明帝永平中

封鄧珍爲侯國

珍鄧禹子

西去濰水四十里膠水又北

逕膠陽東晏伏並謂之東亭自亭結路南通夷安

地理風俗記曰淳于縣東南五十里有膠陽亭故

縣也又東北逕左會一水世謂之張奴水水發夷

安縣東南阜下西北流歷膠陽縣注于膠水之左

東北爲澤水渚百許里謂之夷安潭潭之澤周四

十里亦濰水枝津之所注也膠水又東北逕下密

縣故城東又東北逕膠東縣故城西漢高帝元年

別爲國景帝封子寄爲王國王莽更之郁秩也今

長廣郡治伏琛晏謨言膠水東北迴達于膠東城

北百里流注于海

又北過當利縣西北入于海

縣故王莽更之東萊亭也又北逕平度縣漢武帝

元朔二年封菑川懿王子劉衍為侯國王莽更名

之曰利盧也縣有土山膠水北歷土山注于海海

南土山以北悉鹽坑坑玉篇作鹵音亢云鹽澤也北史楊義臣以遼東還兵入

豆子鹵討賊譌寫相承修煮不輟比眺巨海杳冥

無極天際兩分白黑方別所謂之濱海者也故地

理志曰膠水北至平度入海者也西漢書音平

公三語可
信思光一賦
碑云墓寫勝

水經注卷二十六 西北流至膠水入海者也



程